


MIBUZYO A BWIINGUZI

 Kwasiya kabotu, beenzuma. Ndali kukanana buyo a mweembeli wesu uyandwa, mukwesu. Ndili . . . Nda yeeyela kuti kwali zya cibukilambuta cakuti Nse sika; Tii ndaka konzya ku ciya ambele. Ma, Ndi ubawidwe maningi ku zilengaano. Mwabona? Elyo zyali zinji, kutandila ku kkumi a zyosanwe na makumi obile masikati aya, elyo eco cindigwebaula buyo maningi. Kubona buyo aniini awa a kokuya. Nda zozwa; Nda amba, “Mukwesu Neville, ikuti na—ikuti na ulakonzya kuyaambe, koyaambe; Ndi yanda kuloboka a kuya ku ng’anda.” Nda amba, “Ndi tandila buyo kuwa, a walo moyo wangu ulabimba bimba, kusotauka.” Elyo Nda amba, “Ndi—Ndili . . . nse cikonzya kwiima limbi.”

² Wa amba, “Mukwesu Branham, bantu bali kundibuzya ikuti na inga wamanizya kwiingula mibuzyo eyo.” Elyo Ta—Ta—Ta ndiyandi kutebezya bulizi bwa mulimo. Nda lumba Mukwesu Neville. Elyo ndiza kwa maminiti masyoonto Nda cita ku bubotu Nkwe konzya. Elyo Ndi—Ndi lizi kuli . . . Billy wazosika omuya; Nda amba, “Sena waibweza yoonse?”

³ Wa amba, “Taata, kuli iili makumi obile na yiinda ya cibukila mbuta—cibukila mbuta.” Aboobo Tii ndakonzya kubweza . . . Abo mbantu bamwi bagambya bali makumi otatwe sunu, elyo kutandila zilengaano zili makumi obile a zyosanwe zyazyo; aboobo inga mwayeeyela awo Mpe imvwi. Aboobo Ndi—Ndili katede ncobeni, kukatala buyo ncobeni kumizeezo. Pele tuyo komba, kutalika mpawobuyo a mibuzyo eyi awo mpo twa kaisiila. Elyo mpawo cindi Nda . . . Ikuti na Nda unka ku Arizona a yeeyi mu mizeezo yangu, Ndiyo katazigwa ciindi coonse. Ndino jokede cakufwambaana loko, Mwami nawayanda, a kukanana aa ciyo buzuba bumwi cakufwambaana mbuli mbo kukonzeka, aa kululama kwa lukwatano a kulekana. Atu kombe.

⁴ Oyandwa Leza, Uli zyi moyo wangu, alimwi Uli zyi kulimvwa kwangu; Uli zyi koonse kujatikizya ndime. Elyo Nda komba, Leza; kuli bantu banji . . . Ndi balekela buyo kukkala kwaciindi cilamfu, Mwami; kuli banji loko babo. Pele Ndili kkomene loko kuti Nse syomi kuteeti kwali umwi wa baabo wasika sunu pele oyo wakagwasigwa. Nda syoma umwi aumwi wabo wakazwa kakkomene a kukkutula. I zintu ezyo Nze ndatali kukonzya kwiingula ndemwini, Wa kaseluka mu zilengaano a kuyubulula mu maumi abo zyakaindi (bali kkede awa, bunji bwabo, ndyonya lino kaba swiilila kuli ncico a kuziba kuti mbwini), a kuyubulula kuli mbabo zintu ezyo zyakaliwo kaindi mu maumi ezyo zyakacitya zintu ku citika. Ba lizi, Mwami. Taakwe nzila mu inyika kuli ndime kuziba boobo kunze lya lugwasyo Lwako.

⁵ Elyo Nda komba, Taata Wakujulu, kuti nekubakuti Ndi katede, pele Ndili kkomene kuba mulanda Wako. Elyo Nda komba kuti Uyo baleleka abo bakaimvwi ambali, bunji bwa baabo bakali kuyanda kunjila mukati. Elyo Nda—Nda—Nda syoma, Leza, kuti bayo—bayo mamelwa, Muuya Uusalala mulemu Wako uyopa kuli mbabo kufumbwa zintu nzoba bulide.

⁶ Kondi gwasya kumanizya mibuzyo eyi, oyandwa Leza, na kucita kububotu mbuli Mbwe konzya a njiyo, kutegwa bantu Bako bayooba a kwiingulwa ku mibuzyo yabo. Nda kaba lomba kwii lembe. Ba kai lembe, elyo Ndi limvwa kusinikizigwa kusola kwuingula nkambo kabo. Aboobo Nda komba kuti Uyo ndipa nguzu kutegwa Ndi konzye kucita bulizi bwangu kuli Nduwe a ku bantu. Mu Zina Iya Jesu Nda komba. Amen.

⁷ Lino, tuyo talika moonyabuyo motwa lekela cifumo cino. Imwi ya yeeyi ambweni inga Nse konzya kwiibala, nkaambo kakuti. . . Nda anga jwi aniini, nkaambo Nda kaambaula loko. Mbangaye baliko ku kutweluka sunu abo balumba Leza kapati kumupa eco. . . ? Mwabona? Oko nkokubotu kwa yoonse yayo, nje misyobo ya miswaangano. I zintu ezyo nzo muyanda kuziba a zintu ezyo zya kasisidwe mu buumi zyaubululwa a kwaambwa.

⁸ Elyo—elyo amuyeeye, bunji bwa zintu ezi. . . Lino, bunji bwanu mulizi kuti kuli zintu zili senzya ezyo zyaambwa a kuletwa aatuba, pele taakwe muntu uuzi boobo pele cita ndime a Leza. Elyo eco caambilwa kuli ndinywe, eco ceelede kuba akati ka ndinywe a Leza; amucileke buyo cilikke. Elyo. . . Mbangaye banu abo bazi kuti Mwami wayubulula zintu ezyo zyakali. . . ezyo zyakacitwa, zimupa lugwasyo? Amu tambike maanza anu ikuti na cacita. Mwabona? Akwalo kutaziba bantu, taakwecintu kujatikizya mbabo, pele Wa—Wa kacicita.

⁹ Lino, atwiinke ku mibuzyo cakubinda buyo mbuli mbo kukonzeka lino a kubona ikuti na tula konzya kubweza i. . . Kuli umwi umbi awalo oyo uli kokuno abusenabumwi. Waamba kuti, “Mweelwe watatu.” Ndi syoma kuti ndugwalo; mbo mbubo, ndugwalo ncobeni. Amu ndijatile. Ndiyo ibikka atala awa mbuli Mbwe boola kuli njiyo, elyo Ndi yeeya. . . Iiyi, munene, olu ndugwalo alwalo. Elyo lwaamba kuti, “Mubuzyo,” pele Ndi syoma kuti ndugwalo, mubuzyo mu lugwalo. Peepe, taluli ndulo, walo mubuzyo uujaatikizya ciloto. Yaa, Ndiyo bala ciloto, elyo mpawo Ndiyo bona ikuti na Mwami uyo ndipa bupanduluzi bwa ncico, a ku butabika kuli nduwe mbuli buyo Mbwe konzya. Nda yeeyela uli jisi kkeyala yako. Atu bone na mbombubo; ikuti na embo, Ndiyo kuyanda kwaamba kkeyala yako, muntu ulaa mubuzyo oyu a—a ciloto. Peepe, to ijisi pe.

¹⁰ Kufumbwa oyo walembe lugwalo (lujisi i. . . lwa lembelwa biyo ndime), mupe Billy kkeyala yako, kutegwa mbuli Mbwe unka mu lweendo kuyaku Arizona, Ndiyo njila mu lukula a kukomba. Elyo ikuti na Wa ndipa bupanduluzi, Ndiyo ziba oko

kwa kubulembela (yebo wabona? Kakunyina oyo awo ku kupa bupandu-. . .) ikuti na Wa bupa. Pele Nse bwaamba cita cacita, nkaambo Ndi konzya buyo kucicita; mpawo Ndiyo ziba kuti ciyo lulama. Lino.

376. Sena Nabwiinga, abo basyoma Mulumbe oyu, bayo ounka kumbo, kumalekelo kuyo bunganina okuya, Nda amba?

377. Elyo nku (Lino, kwakaindi buyo kaniini, oyu ngu. . . leta. . . Kavwalu buyo. Oh! Peepe, embo, ujisi “M-u-f” Ndali kuyeeya. . . Calo cipati ca Ciyubunuzyo, a kulibonya mbuli “Muf. Capps,” elyo Nda—Nda—Nda zonyonganisigwa aniini—aniini kujatikizya nguwo. Nku. . . Ikuti na mula konzya kubona, kasimpe ulibonya mbuli nguwo. Mwabona? Wa kali “Muf. Capps” elyo mpawo wazumanana awa. . . Peepe, kuli kabotu.)
Ciyubunuzyo cipati 12, ikanana zya Nabwiinga?

¹¹ Peepe! “Lino, sena Nabwiinga kumalekelo uyo unka kumbo, kumalekelo?” Kutali mbuli Mbwe zyi; Nabwiinga uli kunyika yoonse, mbiizulwa nyika. Lino, bantubonse bamvwisya ceeco baambe, “Ameni!” [Mbunga yaingula, “Ameni!”—Mul.]

Takukwe makani oko nkobede, oko nkofwida, kufumbwa mbo kubede, ikuti na wafwida muli Kristo, Leza uyo kuletelela antoomwe a Nguwe. Takukwe makani ikuti na wakaumpwa, kaligwa koonse, kanyonyoonwa, na nguni, Leza uyo kuletelela antoomwe a Kristo cindi Aku boola. Ta mweelede kubunganina kumbo na kubusena kuli koonse. Kufumbwa oko Mwami nkwa kusololela. . .

¹² Nekubaboobo, ikuti na ulimvwa kuti uyanda kuunka kumbo, andi cibambe buyo antangalala ncobeni lino, Nke tanaunka. Lino, aboobo. . . (Sa bali muku teping’a mulumbe oyu? Bala cita? Yaa.) Muta ndilekeli ku mwaambila kwa kuunka. Elyo ikuti na ulimvwa kuti uyanda kuzwa kumbo, kuzwa kumbo. Ikuti na ulimvwa kuti uyanda kuunka kujwe, kunyika, kumbo, kumusanza, koya oko Mwami nkwa kusololela. Bantubonse bamvwisya ceeco baambe, “Ameni!” [Mbunga yavwiila, “Ameni!”—Mul.]

¹³ Nse soli kwaambila naba muntu omwe oko kwaku taunka. Elyo ikuti na mwaboola ku Tucson, Arizona, oko Nkwe kkedede cakunyunyumana ku ciindi eci. . . Mbuli Mbwe mwaambila cifumo eci, Ndi yeeya ku muunzi kaatakwe a muunzi wakuunka ko. Nda lombozya ni Ndali jisi muntuumwi, busenabumwi obo Mbwe konzya kwiita kuti muunzi a kuunka. Ikuti na, sunumasiku, ikuti ni Ndali jisi madollar ali zyuulu zili kkumi nge konzya kupeda busena. . . akwaapa cabuyo ku busenabumwi obo Mbwe konzya kwaamba, “Obu mbo busena Mbwe yanda kwiita kuti muunzi,” Nda konzya kwaapa cabuyo. Nse jisi busena.

Mukwesu Fleeman, Ndi buyo... ulindizi kuzwa kucindi ni Nda kali mulombe; Ndi—Ndi—Ndili sikwendauka muzyooko. Utabi noba sikwendauka mu zyooko; jana busena obo mbo yanda a kukkalikila; kulindila Mwami Jesu.

¹⁴ Pele ikuti na uyanda kuboola ku Tucson, Arizona, oko Nkwe kkala, watambulwa; inga Ndiyo kkomana ku kutambula. Uli mukwesu wangu, mucizi. Inga ndacita kufumbwa cintu mu inyika ku kugwasya. Elyo—elyo nyoonse nomwa kaboola kubusena okuya, Nda kasoleka kububotu Mbwe konzya ku mubamba kutambulwa, a kumutondezya zintuzyonse Nze kazi, a ku mweenzeenza, kucita zintuzyonse Nze konzya. Elyo muli tambwidwe lyoonse.

¹⁵ Pele ikuti na uzwida bweendelezi bwa ziimo ezi, kuyeeya kuti Nabwiinga na cintucimwi ciyo tolwa kujulu kuzwa ku Tucson, Arizona, alimwi okuya biyo, uli lubide. Uta zwidi nkambo ka ceeco, uta booleli ceeco, nkaambo oko nkulubizya. Eco taci luleme.

¹⁶ Lino, Ciyubunuzyo cipati 12...Pele cintu comwe buyo Mwami ncayubulula kuli ndime na kukanana kuli ndime mbuli...Nda zwa kuzwabuyo ku zilengaano zyalo (nywebo mwabona?), elyo cibaanga nciyumu kuzwa ku citantamuka. Mwabona? Pele Uli bonya kukanana kuli ndime alubo kwaamba alubo kunji kujatikizya kooku kwa kuunka kumbo.

¹⁷ Lino, mbuli Mbwe amba kale, Nseli kokuya mukuba kokuya buyo, Ndili kokuya nkaambo Nda sololelwa buya kuba kokuya. Pele kukkala kokuya, kubamba kuba muunzi wangu, Ndi yeeya kuti oko kulilubide. Peepe, Ndi yeeya kuti taukabi pele buyo kwakaindi kaniini kusikila makanze ayo Leza nga ka nditumina kokuya akazulile. Nse konzyi kumwaambila omuno kaambo Nce unkila, pele Nse unkili buyo mu kuyanda kuunka buyo.

¹⁸ Kwaka buzigwa mu mubuzyo buzuba bumwi: “Tu lizi kaambo nco kaunkilide ku Arizona lutaanzi, mbaabo Baangelo bakali bonya. Nkaambonzi ncoka jokela ciindi cabili?” Mula uyeeya mubuzyo oyo kuubalwa?

¹⁹ Mbangaye bayeeya cindi Ne kajokela nikwakamana obo elyo ndakali kkede kumbele lya Mwii. Lee Vayle (Nda syoma nkwalu mu buyake aabusenabumwi) a mukaintu wangu? Elyo Nda kali kukanana kujatikizya Arizona a kujatikizya ndiswe kukkala kokuno, elyo mpaawo kwakaboola janza aa bwaanda a mumuni a kulemba amabala, “Jokela ku Arizona.” Mbangaye bayeeya eco? Ako nkekaambo Nce kajokela kokuya. Kutaziba kaambo Nce kajokela, elyo cindi ni Nda kasika kokuya, mpawo Wa kayubulula ceeco Nce ndeedede kujokela. Elyo ikuti na Nda caamba, mpawo Saatani uyo cisinkila. Pele tazi moyo wangu. Tali Ijwi, aboobo tazi moyo wangu. Pele ikuti na Nda caamba, mpawo ula cimvwa. Aboobo lino, amuyeeya eco.

²⁰ Lino, cindi ni Nda kaamba buzuba bumwi, Nda kabaanga ndacibamba...kubaanga ambweni inga mwaba a muzezo uulubide; Nda kati, “Muta booli ku Arizona.” Mwabona? Nse kali kupandulula ncico, “Muta booli!” Eco Nce kali kupandulula cakali: Ikuti na wasololelwa kuboola, koyaambela a ku cicita, ikuti na wasololelwa ku California, Arizona, kufumbwa oko nkobede. Pele ikuti na uunka kokuya, kwaamba, “Mukwesu Branham, Ndi inka kokuya, nkaambo Ndi syoma kuti uunka kuyo kkala okuya a kukambauka Ijwi,” Nda syoma uli lubide awo. Mwabona? Oko kukambauka kwangu nkokubede, nkookuno ku cikombelo eci; mboobu busena.

²¹ Nse jisi kuswaangana komwe mu Arizona. Elyo Nseli mu Arizona pele kwa maoora masyoonto mu ciindi comwe. Nse jisi...Ndi jisi muswaangano wa Bantu Bamilimo kwamana Krisimasi, kumatalikilo a mwaka, ku Phoenix. Nku koonse oko Nkwe jisi; Nda kasyomezuya oyo, taakwe cimbi.

²² Muswaangano wangu utobela, mbuli kuciimo Mbwe zyi, uli nkoonya okuno ku 8th a Kagwagwa ka Penn iku Cikombelo ca Branham. Ndi jisi ziiyo zili makumi otatwe na makumi one ezyo Nze ndizi kuti ziyo tola mvwiki na zyobile mu ciindi cakwiinda mo muli yoonse, ezyo Nze jisi mu moyo wangu kukambauka okuno ku Cikombelo ca Branham, nkoonya kuno ku Jeffersonville, Indiana.

²³ Elyo lino, ikuti na uyandisisya kuunka kubusena bumwi kuyo kkala a Ijwi, oko Mulumbe wesu...Elyo Mulumbe wesu tawiindene, ngo nguwe Mulumbe ngo kamvwa buumi bwako boonse, nkuti buyo cintucimwi cinji cakayubululwa kuli Nguwo. Oyu Mulumbe ngo Mulumbe nguwenya oyo Luther ngwa kakambauka, Mulumbe nguwenya oyo Wesley ngwa kakambauka, Mulumbe nguwenya oyo bana Pentekoste nguba kakambauka, nkuti buyo cintucimwi cakayungizigwa kuli Nguwo. Ino ncinzi, sena nkuyubululwa kwa Zinamatizyo, ezyo abo basilubambululo nziba kasiya (mwabona?), ezyo zyazibwa mu buzuba buno zyatakali kukonzeka kuzibwa kaindi. I mulumbe wa Pentekoste tiiwa kakonzya kuzibwa mu mazuba akwa Luther na Wesley; wakacita kulindila mane mu bukkalo bwa Pentekoste. Pele bukkalo bwa Pentekoste tabulicintu pele buyo kusumpulwa kwaambebe kwa bukkalo bwa bana Lutherani. Mbuli buyo kusima kwa mapopwe na kufumbwacintu cimbi, mbubonya ayalo mbungano mboya cita.

²⁴ Ikuti na ne Nda kambauka sunumasiku, ni Nda kambauka aa ciiyo, ceengeledwe awa mu Bbaibbele, “*I Musaansa oyo waka lonzegwa kuzwa mu Egepita kuya mu Palestine.*” Mbangaye banu abo bakasola kuziba kuti Leza wa kaambide kuti Israyeli wakali Masaansa Wakwe? Mpawo Ndiyo amba kupiluka kuzwa kuli ceeco kuya kuli Jesu mukuba Musaansa. Elyo Mbungano lino yalonzegwa kuyaku inyika, tai simpikidwe mu bulongo, pele isimpikidwe muli Kristo, eyo yeelede kuzyala kuleta micelo.

Mwabona? Elyo oyo ngu weelede kuba mulumbe wangu wa sunumasiku ikuti na ni Nda kambauka. Pele Nda zoyeeya kuti ncibotu Nda bweza mibuzyo eyi, aboobo Nda sotoka buyo eco. Ndiyo bweza oyo ndiza cindi Nda kujokela.

²⁵ Ciyubunuzyo cipati 12 tai jatikizyi kuli Nabwiinga. Ciyubunuzyo cipati 12 (Nse na ilangalanga pele Ndi liizi), nja mwanakazi wiimvwi mu zuba a mweezi kungsi lya matende aakwe. I mweezi wakali kwiiminina mulao; mwanakazi wakali kwiiminina Israyeli, mbungano; elyo nyenyezi zili kkumi azibili a nkumu yakwe bakali baapostolo abo bali kkumi mu babili, makkalo aambungano ali kkumi aabili, azimwi zimbi, ezyo zyakazwa kwiinda buyo. Mwabona? Elyo zuba lyakali aa mutwe wakwe. Elyo ndyo mubona, mweezi ncimvule ca zuba, uli mulao wakali cimvule ca zintu zibotu ziciza. Elyo mwanakazi oyo ngu Israyeli, kutali Nabwiinga.

Lino Nse kootola ciindi cilamfu loko, nkaambo Nde elede kwiimanizya.

378. Baroma 7:14-18, “Tulizi kuti mulao ngwa kumuuya: pele Ndili sinyama, kasambalwa kubweendelezi bwa cibi. Nkaambo eco Nce nga—kutali: nkambo eco Nce nga ndacita, eco Nse citi; pele eco Nce tayandi, eco Nce cita. Ikuti na mpawo Nda cita eco Nce tayandi, Ndi (k-o-n- . . .) ku—kuli mulao, zumina ku mulao, kuti cili kabotu. Lino mpawo, tandili Ndime oyo ucicita limbi, pele cibi eco cikkala muli ndime.” Eyi Nse konzyi ku cimvwisya.

²⁶ Ee, ba kalemba Lugwalo; oyo ngu Paulo kakanana ku Baroma. Lino wa kati . . . Andi baange ndau salazya kabotu kutegwa mukonzye kuumvwisya. Wa kati, “Muli ndime kuli bantu bobile: ciluleme, oyo uyanda kuti ndicite; cilubide, umwi uyanda kuti ndicite. Elyo ciindi coonse Nda talika ku cita ciluleme, mpawo cilubide cila ndisinkila.”

²⁷ Mbangaye banu nywebo no bantu ku miswaangano yakubuzanya kwakumbali cifumo bacitikilwa cintu nciconya, a cifumo cino (mwabona?), cintu nciconya? Nda cikanana cifumo cino, cakunyunyumana.

²⁸ Uli muntu waanze oyo weendelezegwa a magano aali cisambomwe; uli muntu wa mukati oyo weendelezegwa agano lyomwe lyalo ndusyomo. Elyo olu lusyomo talu zuminani a magano aya ali cisambomwe ikuti na magano ali cisambomwe tazuminani a lusyomo. Pele limwi liliimpeene kuli limwi limbi. Lino, kufumbwa kuti magano ali cisambomwe azuminana a lusyomo, ncibotu; pele ciindi magano ali cisambomwe a tazuminana a lusyomo, mpawo kosiya magano ali cisambomwe alikke.

²⁹ Lino, kupa mukozyanyo awa, Jesu wakaamba kaambo, cisyomezyo. I muntu wa mukati waamba kuti obo mbwini; muntu waanze wayeeya kuti tacikonzyi kuba bwini kuli nduwe,

mpawo utamubikkili maanu muntu waanze elyo zumina muntu wa mukati. Lino, eco ncecintu nciconya Paulo nca mbaula. Wa kaambwa kungsi a mulao ku cibi cakunyama. Umwi aumwi wesu mbwa bede. Ako nkekaambo tula . . . jisi mapenzi ngo tu cita, kukwatwa ziindi zyone na zyosanwe, a *ceeci*, a *ceeco*, a i . . . yoonse misyobo ya cibi, a mamambi, a zintuzyonse zimbi antoomwe mu maumi eesu, nkaambo ka zintu ezyo. Tuli basinyama, elyo eco cibeela ceelede kuloba; pele mpawo, mukati, tuli muntu wamuuya, buntu mukati, elyo olo ndusyomo mu Ijwi Iya Leza; mpawo tweeta mubili wesu waanze kubweendelezi bwa Ijwi kwiinda ku lusyomo, kwiinda kukuzumina eco Leza nca kaamba.

³⁰ Mbobuti Mbwe konzya kubweza nsoke a kupanga nseke ya whiiti kuzwa kuli njiyo? Ta cikonzeki kuli ndime kucicita. Nzila buyo mbo ikonzya kuba nkaambo kakuti mukati mwa nsoke yalonzegwa kuzwa ku nsoke whiiti . . . nsoke kuyaku mbuto iitwa kuti “buumi bwa whiiti.” Mpawo mwazikka eyo nsoke, elyo iyoleta nseke ya whiiti (mbo mbubo. Mwabona?), nkaambo kwakali buumi bwa whiiti bwaka bikkidwe mu nsoke. Elyo buumi bwa nsoke bwagusigwa; pele bulenge bwa nsoke bu cinamatila (mwabona?), elyo buyooba mbubonya kusikila obu buumi bupya bwakomena cabuzule kuzwa mu bulongo aku komezegwa alubo. Cindi yamena, mpawo taicili nsoke limbi, pele whiiti—pele whiiti. Pele cindi noicili waano aa nyika alimwi i . . . mu i . . . kuzwa mu nyika . . . Elyo nsoke, ici namatila, pele ilijisi bulenge mukati mwanjiyo bwa whiiti.

³¹ Elyo kufumbwa buyo kuti koli mu buumi obu, uno namatila a kuba a bulenge bwakunyama obo buyo kupenzya kufumbwa buyo kuti ko cipona; pele mukati muli nduwe, waka zyalululwa lubo. Elyo cindi wabusigwa, uli mu cinkozya ca Kristo a cibi coonse ca gusigwa kuzwa kuli nduwe. Mwabona? Eco nce—eco ncecintu.

³² Sa Nda ambe eci? Cili mvwisya mbuli kudana buyo. Muna India . . . Mbantw basesya loko. Elyo Ndi . . . Ta basesyi; bala gambya kuli ndiswe; pele bali bonya kabotu kuli lwabo beni. Elyo ikuti na mwasika kubazibila, bali kabotu. Muna India waka buzigwa ciindi cimwi nakafutulwa . . .

³³ Nda yeeya omwe mu Phoenix, Arizona. Billy wakali kuya buselemuka kuvozya makkaadi aa mipailo. Elyo wakali kunga waima buyo awo a kuvozya makkaadi aa mipailo. Elyo balo bantu abo bakonzya kuzuza kutala a kukwempa makkaadi aa mipailo . . . Kuciindi i—bantu babotu bakajisi kuciswa mitwe, lusinga lwa meno ncobeni, na cintucimwi cilubide ku tunwe twabo, baka jana—baka jana makkaadi aa mipailo, Mukwesu Ruddell. Elyo cindi—elyo cindi niba kacita, mpawo mu mundando wa mipailo, cintu comwe buyo nci Nda kajana, muntuumwi waka jisi kuciswa mutwe, muntuumwi waka jisi cintucimwi cilubide ku kanwe, a cintucimwi mbuli

ceeco. Elyo kwakali bantu baka kkede kabafwa ku kkulenge a zintu abo bataka njila ku mundando wa mipailo. Nda kati, “Billy, koya kunselelo okuya a kubuzya bantu abo cilubide kuli mbabo. Elyo ikuti na taba jisi kkulenge, na bulwazi bumwi buyoosya, na cintucimwi eco ciyo bajaya, utabapi makkaadi aa mipailo. Kabweze bantu abo kutala kuya mu mundando wa mipailo abo bayo. . . abo batandila kufwa ikuti na tiiba gwasigwa ku Mwami. Aba lekwe abo bamwi balindile buyo. Aba boole mu mundando ubindeene na cintucimwi. Pele aba lekwe abo bantu abo batandila kufwa. . . .” Nda kati, “Ba buzye.”

Wa kati, “Ee, wa kati, ‘Ko cukaanya buyo makkaadi a kwaapa kuli mbabo.’ Eco ncencico Nce kali kucita.”

Nda kati, “Pele ulekela bantu abo kuzuzila oko kumbele lyabo, elyo bala bweza. . . Balo balema bacete a zintu taba konzyi kwaabweza.”

“Ncibotu, Ndiyo cicita.”

Wa selemuka; kwakali mu India mudaala (elyo bala gambya maningi), takali kukonzya kukkala mu cuuno. Ba mupa cuuno, pele ukkala ansi aa cibuye mu tente. Wa kasamide ngowani; ta kakonzya kwiisamununa; waka jisi pepe lyakasekkedwe kusule lyayo, kakkede buyo awo.

Billy waka mwiinkila, elyo wakainda munsu, elyo wa kati, “Sena uyanda kkaadi lya mupailo?”

“Hmm.”

Wa kati, “Ncinzi cilubide kuli nduwe, Mwaami.”

Wa kati, “Mebo kuciswa!”

Wa kati, “Pele cinzi cilubide kuli nduwe?”

Wa kati, “Mebo kuciswa!”

Wa kati, “Pele Ndi yanda kuziba eco cilubide kuli nduwe!”

W a kati, “Mebo kuciswa!”

³⁴ Nko koonse oko nkwaka konzya kumvwa kuli nguwe, kati, “Yaa, Ndila jokela kwainda kaindi kaniini.” Aboobo Billy wakaunka ambele kubuzya bantu. Muna India mudaala wakazumanana kulangilizya makkaadi aa mipailo kaya buceyaloko a kuceyaloko. Ciindi coonse nakali kugusya kuzwa mu nkomo yakwe akali kuya buceyaloko aniini. Aboobo nikwakainda kaindi, muna India mudaala wakaima, a kweenda okuya, a kuumauma Billy kusule kumuyeezya kuti wakali muli ceeci awalo. Wa kati—wa kati, “Mwaami, ncinzi cilubide kuli nduwe?”

Wa kati, “Mebo kuciswa!”

Wa kati, “Ee, Mwaami, weelede kundaambila. Taata waamba kutapa makkaadi aya ku bantu abo bayo. . . bajisi buyo, mbuli kunyongwa mwida, akuciswa mitwe, a zintu. ‘Kopa

baabo bantu bacisidwe ncobeni.” Kati, “Mbobuti mbocisidwe, Mwaami?”

Wa kati, “Mebo kuciswa.” Wa kamu kkazika aansu alubo elyo katana ku . . . makkaadi aakwe akali kutandila kumana ncobeni. Maminiti maniini . . . Wa kazumanana kulangilila makkaadi. Wa kajokela a kumuumauma alubo. Wa ka jata ku janza lyakwe. Billy wakabika kkaadi mu janza lyakwe, kati, “Mwaami, koya ulembe awo, ‘Mebo kuciswa.’”

³⁵ Wa kanjila mu mundando wa mipailo, elyo Nda kali kumukombela, elyo Nda kati, “Sena ula syoma, Mwaami?”

Wa kati, “Obo mbubo.”

Elyo Nda kati, “Ee, sa ula syoma kuti Leza uyo kuponya?”

Wa kati, “Obo mbubo.”

Nda kati “Inga waba mulombe mubotu na?”

Wa kati, “Obo mbubo.”

Nda kamuswaana nikwakainda mvwiki. Mukwesu Fred Sothmann Nda syoma wa kaliko. Ca kali cindi niba . . . elyo cindi muswaangano wa tente niwakali kucitika. Wa kali Phoenix. Elyo Nda kamuswaana nikwainda kaindi mu mvwiki; Nda kati, “Sena uya buba kabotu, Mwaami?”

Wa kati, “Obo mbubo.” Kuboola kuziba, Nda kaambaula ku . . . Ino lyakali zina nzi lya oyo missionari kutala kuya, mudaala oyo ujisi masusu atuba atala lya mulomo waatala, kutala kuya kuli basicisi bana Apache? Nse konzyi kuyeyya zina lyakwe. Oh, muntu mubotu wakaindi. Mukaintu wakwe wakaponesegwa ku kkulenge, nywebo mulizi. Wa kati, “Mukwesu Branham, nku koonse oko nkwa konzya kwaamba.” Kati, “Nda kamuyiisya kwaamba kuti, ‘Mebo kuciswa.’ Eco nce cintu cilikke ncakali kukonzya kwaamba, ‘Obo mbubo.’” Aboobo oko—oko nkuko kwa ncico, nywebo mwabona. “Obo mbubo. Mebo kuciswa!”

³⁶ Muntuumwi wa kandaambila kuti waka jisi, ciindi, ciindi cimwi, waka sandulwa, katambula Muuya Uusalala, elyo wa kati kuli nguwe, “Ino uya buzwidilila buti?”

Elyo wa kati, “Kabotu loko a bubu loko.”

Wa kati, “Ee, mbobuti mbo wamba kuti bubu loko a kabotu loko?”

Wa kati, “Ee, kuzwa mebo ninda katambula Muuya Uusalala,” wa kati, “kuli babwa bobilo muli ndime, elyo omwe wabo mubwa usiya alimwi umwi wabo mubwa utuba.” Elyo kati, “Bala kazyanya ciindi coonse.” Kati, “Bala vuluma a kulwana umwi aumwi.” A kuti, “I mubwa utuba undiyanda kucita kabotu; mubwa usiya undiyanda kucita bubu.”

Kati, “Ee, Mwaami, nguuli wabo uuzunda nkondo?”

³⁷ Kati, “Eco ciya buyo oyo Mwaami ngwa sanina loko.” Aboobo Ndi yeeya kuti obo mbwiinguzi bubotu awa. Mwabona? Awo ciya buyo ku kulwanwa kwa mubili oko kuli muli nduwe; ciya buyo kuli umwi ngo sanina, mbobuli bulenge mbo sanina, bulenge bwakunyama buyanda zintu zya inyika, na bulenge bwakumuuya buyanda zintu zya Leza. Eco nce cicicita.

379. Sena mwana wa Leza oonse ulakonzya kunanikwa maningi cakuti inga wakonzya ku cita maleele, zitondezyo, zigambyo, na sa eci buyo . . . sa cili kukulaililwa kwa Muuya Uusalala?

³⁸ Iyi, cili kukulaililwa kwa Muuya Uusalala. Ikuti na uli mwana wa Leza, na mwanamusimbi wa Leza, kufumbwa mbo bede, cindi wa tambula Muuya Uusalala, mpawo Muuya Uusalala ulakulailila ku cita zintu.

³⁹ Nse jisi ciindi. Ni Nda konzya biyo kumwaambila twaano tusyonto. Ciindi coonse Nda kayeeya, ndi kaina buyo muni. Pele Ndi yeeya kuti oyu uyo ima kwa kaina kakubwene.

⁴⁰ Kwakali kunselelo mu Meridian, Mississippi. Bunji bwano no bantu Babumwi, Mukwesu Bigby wakali jatilide . . . wakali kugwasilizya miswaangano yangu, mukwesu wa Bumwi. Elyo busiku bumwi mu muswaangano, Billy Paul wakaunkide okuya mu buwa licitikila zintu zyabueya nkabela wakavozya makkaadi aa mipailo. Oh, yakali imvula mapati yaali kuwa. Elyo bantu bakaliimvwi anze a maambulela aa zintu. Elyo Billy wa kavozya makkaadi a mipailo, alimwi kwakali i . . . Elyo mpawo waka boola kuzo ndibweza. Elyo kuciindi nikwakali . . . kucindi nakali kuzo ndibweza, kwakali mulindu muniini oyo waka kkede kumbele, alimwi kwakali umbi mulindu wakali kuya bweenda a muvwanda muniini, kusola ku muumbulizya. Elyo oyu mulindu muniini wa kakkede awa kasamide dresi lyakapangwa ku buntonge, kufumbwa mbo lyakabede, wakali mutumbu awalo. Elyo waa kamubona mulindu, alimwi Muuya Uusalala wakakanana ku mwanakazi, cintucimwi mu moyo wakwe, “Koya kakombele muvwanda ulya.”

⁴¹ “Ee,” waa kati, “ciindi citobela ainda, Nda unka kuyo mukombela.” Elyo cindi nakainda alubo, mulindu waka jisi kkaadi lya mupailo. “Oh,” waa kati, “Inga—Inga tee ndaka konzya kukombela muvwanda oyo.” Kati, “Mukwesu Branham uyo mukombela muvwanda oyo sunumasiku. Elyo Ndimeni kuti ndikombele muvwanda ikuti na Mukwesu Branham uyo mukombela?” Lino, oko kwakali kupa bulemu, alimwi oko kwakali kubotu, pele lyoonse olo talu konzyi kuba luyando lwa Leza. Ziindizimwi cilaandeene.

I Muuya Uusalala wakazumanana kumwaambila, “Koya kakombele muvwanda ulya.”

Kumamanino waa kayeeya, “Mwanakazi oyo uyo ndikakila mukucimwa. Mukuziba kuti ujisi kkaadi lya mupailo, taka

yandi kuti ndikombele muvwanda ulya. Waa leta muvwanda ulya okuno, kutali kuti mebo ndimu kombele, pele Mukwesu Branham kuti amu kombele.”

Aboobo Muuya Uusalala wakazumanana kwaamba, “Koya kakombele muvwanda ulya.”

Kumamanino, “Ee, kuli katulusya lwangu Ndiyo wamba buyo. . . Ndiyo mupa cuuno cangu.” Aboobo waa kati, “Oyandwa (umwi mutumbu muniini ukanana kuli umwi umbi), sena inga wa—sena inga wayanda. . . ? Yebo ujisi muvwanda ulya,” kati, “sena inga waboola, a kukkala awa, kobweza cuuno cangu?”

Waa kati, “Oh, Oyandwa, Nse yandi kubweza cuuno cako.” Kati, “Ndi sola kuumuzya muvwanda.”

Kati, “Pele uli bonya kukatala loko a kudekela.”

Waa kati, “Nincobeni.”

Waa kati, “Ee, kkala awa a kubweza cuuno cangu.” Elyo waa kati, “Nda bona ujisi kkaadi lya mupailo. Antela uli. . . Mukwesu Branham uyo kombela muvwanda wako?”

Waa kati, “Tu langila kuti oyu mweelwe uyo itwa.”

Elyo waa kati, “Ee, Nda cita ambebo.” Waa kati, “Mucizi, sena uli Munakristo?”

Kati, “Oh, iyyi!”

Waa kati, “Ndili Munakristo ambebo.” Elyo waa kati, “Kuzwa cindi ni Nda kkala awa, Muuya wa Mwami wali kundaambila, ‘Kombela muvwanda ulya.’ Sa inga wandi zumizya? Ndi lizi Mukwesu Branham uyo kombela muvwanda ulya ikuti na lyaitwa. Elyo kozumanana buyo kujatilila kkaadi lyako, uyo libweza.” Kati, “Pele ikuti na Nda bikka maanza angu aa muvwanda, a kupa mupailo muniini buyo kuli bamba kumvwa kabotu, a kuzwa kungsi lya ceeco cindiita, sa inga ca—sa inga ca kulebya?”

⁴² Waa kati, “Baa, peepe ncobeni, Omuyandwa. Kokombela muvwanda.” Elyo wakali muvwanda muniini walukanda lwabbulu asyonto, elyo aboobo i—i mulindu muniini waka mukombela. Waa kapa mulindu cuuno cakwe, elyo waa katanta aa bbalukoni lyatatu elyo wakaliimvwi atala. Umwi mukwesu Munakristo atala alya, mulombwana uukkwene kunyamuka a kupa mulindu oyu cuuno, aboobo waa kakkala.

⁴³ Kutandila cisela ca oora nikwakamana, Nda kaboola mu muswaangano, kaambaula kwa maminiti masyoonto, kaita makkaadi aa mipailo; elyo oyu mwanakazi wakali watatu na wane mu mundando a muvwanda ulya. Elyo waa kakkala atala okuya, elyo waa kati, “Oh, ndaku lumba, Mwami. Lino, Nda mweetelela loko mutumbu ulya muniini, Nda syoma muvwanda uyoba kabotu lino, nkaambo Mukwesu Branham. . . Kuba buyo watatu na wane, uyosika kuli oyo umwi.” Kati,

“Ndaku lumba, Mwami,” mutumbu muniini kakkede atala awo, keetelela muvwanda ulya. Yaa.

⁴⁴ Mpawo cindi ni Nda boola kutala, katalika kukombela muvwanda, cindi mulindu nakaboola kutala, kaamba, Nda kamulanga a kuti, “Lino, muvwanda wako walo muvwanda walukanda lwabbulu asyonto. Wa muleta kokuno kutegwa a kombelwe. Elyo lino, zina lyako nduwe Muka. *Ndaba-a-ndaba*, elyo wazwa ku busena buli *Boobu-a-boobu*; pele muvwanda wako waponesegeka kale. Kwali mwanakazi oyo wa jisi mukuli mu moyo wakwe ula zina lya Muka. *Ndaba-a-ndaba*, ulya ukkede atala awa mu bbalukoni (litaanzi kumamanino a mundando wane mu bbalukoni lyatatu), wapaila mupailo wa lusyomo ku muvwanda; a muvwanda waponesegeka kale.” Waa likutandila kuwizuka mu cuuno cakwe. Mwabona?

⁴⁵ Lino, ino ikuti na takacita eco? Mwabona eco Nce wamba? Lino, mwanakazi oyo nakaba a lweetelelo lunji ku muvwanda oyo, banyina ku muvwanda kwiinda Mbwe ndali kalino cita ku muvwanda. Mwabona? A banyina mukuba . . . Mwabona?

⁴⁶ “Sa toonse inga twa cita maleele?” Iyi. Cindi walaililwa aa Muuya Uusalala ku cita maleele, koya kacite, nkaambo Muuya Uusalala wakalailila.

⁴⁷ Lino, ikuti na mwanakazi oyo naataka cita eco Leza nca kamwaambila, antela ni kwakaba kutapatilwa mu Muuya kuli nguwe (nywebo mwabona?), alimwi naka unduluzya Leza. Lyoonse, ikuti na uli Munakristo elyo cintucimwi cikusungilizya kucita cintucimwi, koya kacite. Koya kacite; uta cizumbauzyi; koya kacite.

“Nda yanda kubuzya mubuzyo. Sa . . .?” Ngooyu umwi wa njiyo, na ambweni Nda njila muli ulubide . . . Inzya, Nda . . . Oyo ngo nguwe wa cifumo cino. “Mwanakazi kusama pajama, sena nzikobela zya baalumi?” Kweelede kuti ndanyongana buyo awa muli yeeyi imbi.

“Mukwesu Branham, sena Leza wali kucita cintu . . . sena Leza . . . sena Nda kali kucita cintu eco cakatola busena cindi teepu . . .?” Oh, iyi, twali ujisi oyo cifumo cino. Kweelede kuti ndaivwelenganya imwi eyo. Nda elede kwiizapaula, pele Nda bijilwa ku cicita.

380. Mukwesu Branham, ino mbaani bayozuzya nyika anze lya Munzi Wakujulu?

381. Pandulula kujatikizya angelo wamuntu oonse uukkalilila abalo kuzwa kukuzyalwa kusikila ku lufu. Mubuzyo mubotu loko.

⁴⁸ Nda bijilwa kwiindilila eyi; yalo mibuzyo mibotu. Elyo Ndi yanda bangu—bana bangu kuziba zintu ezi. Mwabona? “Lino, mbaani bayozuzya nyika anze lya Munzi?” Anze, mbaabo bakanununwa abo bayozuzya nyika, anze lya Munzi, pele takabi

Nabwiinga oyo musale a wakaitwa. I Nabwiinga uyo kkala mukati mu Bwami a Mwaami. Anze kunooli bami ba nyika abo babeleka a kuleta mapenzi abo, kuleta abo. . . kutali mapenzi, pele kuleta micelo yabo mu Munzi. Elyo milyango taino jedwe cindi ca masiku.

⁴⁹ Lino, aa. . . Lino, oyu Mumuni atala lya mulundu tauka munikili nyika yoonse, Uyo munikila buyo mu Munzi. Pele Ula konzya kubonwa kulaale ambweni kwa mamaile ali zyuulu; pele Ta ukamunikili nyika, nkaambo Bbaibbele lya kati, mu Nyika Mpya, kuti kuzwa ku Sabata imwi kusika kuli imwi a kuzwa kuli imwi—kuzwa ku mweezi umwi mupya kusika kuli umbi (nywebo mwabona?) sena bantu bayounka kumbele lya Mwami ku Zion, kutala ku Munzi kuyo komba.

⁵⁰ Elyo lino, banooli anze lya Munzi, kutali Nabwiinga, pele bantu abo bayo buka mu bubuke bwabili abo bayoba basikupanda insi, mbuli buyo Adamu mbwakabede, a bamwi bambi, abasikubamba mbewu. Pele Mwaami a Namalelo bano syeede mu Munzi.

⁵¹ “Pandulula kujatikizya angelo wamuntu oonse oyo uukkalilila abalo kuzwa kukuzyalwa.” Lino, ikuti na mwalanga. . . Lino, oyu uli sakene loko. Lino, Nsi nda. . . Nda ubweza buyo. Lino, i. . . Cibeela ca nguwo ulembedwe mu kutaipwa a cimwi cimbi mu penso—na peni.

⁵² Lino, kuli Angelo, pele Angelo oyu wa Mwami oyo uli bazungulikide abo babayoowa. . . abo ba Mu yoowa. Mwabona? Lino, tee kwaka syomezegwa kuti basizibi bajisi Baangelo, mbaabo buyo bakanununwa bajisi Baangelo. Sena mwalizi obo? I Baangelo ba Mwami bali bazungulikide abo ba Mu yoowa.

⁵³ Lino, Baangelo mbatumwa. Ndi yanda kuti mubone Ci londokede loko, alimwi ciyo tondezya kukanzwa kuli ndinywe. Mwabona?

⁵⁴ Lino, icindi muvwanda muniini nali mukupangwa kungsi lya moyo wa banyina. . . Elyo nywebo no bana baniini abo bamvwisya zintu ezi, mwabona, Mwami waka mupa kuli banyoko. Elyo baka muyumuna kungsi lya moyo wabo, nkaambo muli muni ku moyo wabo. Elyo mpawo, buzuba bumwi Mwami waka seluka a kukuvuna kuzwa mu moyo wa banyoko, ikuzwa ku moyo wabo, pele lyoonse munooli mu moyo wabo.

⁵⁵ Lino, cindi mubili oyu muniini noupangwa, mubili muniini wakunyama kupangwa mu mutumbu, kuli mubili wakumuuya wa nyika ulibambilide kutambula mubili oyu wakunyama mbowa zyalilwa buyo. Lino, muvwanda uzyalwa a milambi ipona, moyo uduntaana, pele taakwe kuyeeka kwa buumi muli nguwe. Yalo milambi yakwe kiigwinya. . . Mwabona? Mpawo, mwabona, ikuti nokwali cintucimwi caandeene kuzwa kuli ceeco, ikuti nikwatali muuya oyo wakacita kunjila muli nguwo nikwaainda kaindi, mpawo kuyeeka kwesu kwali tu siide, elyo

tii twali kuyeeka limbi alimwi kuti katu cipona. Pele cindi mubili oyu noutatambuli okusijini kuzwa ku i...na kuyeeka (kuyeekela mukati a kuyeekela aanze kwa mapunga esu), nkokuti tuli fwide.

⁵⁶ Lino, pele cindi mutumbu . . .I muvwanda muniini alosegwa ku nyika kuzwa mu moyo wa banyina. “Kulosegwa,” mula mvwisya eco Nce wamba, ni nzila nzi Nje...kaambo Nce caambila mu nzila eyi. Cindi muvwanda, muniini alosegwa, ncinzi cicitika? Ndyoonya buyo mbwa tumbukwa, ikuti na tataliki kulila, dokotela, sikutumbusya, na kufumbwa, uyo muuma lubayi [Mukwesu Branham wakamba maanza aakwe—Mul.], ku moolola. Weelede kuba a kuzungaanizigwa, elyo ncinzi cicitika?

⁵⁷ Amubone, mutumbu, inga waba silunyemo loko a silunya lyoonse, pele muvwanda oyo katana buyo kuzyalwa, kuli luse lumwi olo luba akuyabuya. Sena mwakabona kale mutumbu cindi nayanda kuba mutumbu? Kuli cintucimwi cibotu kujatikizya nguwe; lyoonse usama bubotu obuya. Nku kaambo kakuti oyo angelo muniini, muuya muniini, mutumwa muniini ku cikombelo eci ciniini uli libambilide kuzyalwa mu nyika eyi. Elyo mpawo, cindi angelo oyu muniini aboola mu mubili (oyo ngu angelo muniini wa nyika, muuya oyo waka laililwa a Leza kubweza mubili oyu), mpawo muvwanda weelede kuba a kusala. Ubamba muzeezo wakwe. Mpawo cindi eci catola busena, mpawo, nywebo mwabona, Angelo wa Mwami lino ulaboola omuno, uuli mubili wakumuuya, oyo Uutamani.

⁵⁸ Oyu muuya ufwa mu mubili ufwa; pele lino, tokonzyi kuba mu mibili yobile a ciindi comwe, pele inga kwaba bulenge bobile muli nduwe a ciindi comwe. Lino, bulenge bwa Muuya wa Mwami . . .Cindi wazyalululwa, to zyalwi kunyama, mbuli muvwanda mbwakabede; pele ncinzi cakacitika, kuzyalwa kwa kumuuya kwasika kuli nduwe. Elyo kuciindi oku kuzyalwa kwa kumuuya kwanokomena mu moyo wako, kwa Leza, kuli mubili wa kunyama na wa kujulu ukomena ku kutambula muuya oyo. Elyo cindi buumi bwasiya mubili oyu, bwiinka ku mubili oyo. Mbubonya buyo mbuli cindi mubili nouletwa mu nyika, muuya ulanjila mukati, elyo cindi muuya wazwa mu mubili, kuli mubili ulindila. “Nkaambo tu lizi kuti camana eci cilao canyika, tuli jisi kale cimwi cimbi cilindila.” Mwabona? Mbo mbubo, mubili wa kumuuya wa bantu.

Mukwesu Branham . . .

Lino, eyi yeelede kuba i...Kuli cikama ca njiyo awa, ilibonya kutandila ku kkumi na kkumi ayosanwe. Yoonse ilembedwe aa pepa, pepa lya musyobo omwe, bulembo butaipidwe, a zimwi zimbi. Ndiyo sola kusika kuli njiyo cakufwambaana mbuli mbo kukonzeka. Tula konzya kuzwa mu . . .cakufwambaana mbuli mbo kukonzeka.

382. Oyandwa mukwesu, sena Jesu natakazumina kukombwa mu Ciyubunuzyo kwiinda kuli Johane kakuli wakawa ku . . . Nkaambonzi Jesu ncaata katambula kukombwa mu Ciyubunuzyo kwiinda kuli Johane kakuli Wa—kakuli Wa kazumizya kukombwa kumbele lyakwe? Nkaambonzi Jesu ncaata katambula kukombwa cindi Johane nakali kuyanda ku Mukomba?

⁵⁹ Oyandwa mukwesu na mucizi wangu, kufumbwa na nguni, taakali Jesu oyo wata katambula kukombwa. Mu Ciyubunuzyo 22:8, uyo bala kuti wakali musinsimi, angelo, oyo wata katambula kukombwa. Cindi Johane naka wida aansu kukomba angelo oyo waka mutondezya zintu ezi, wa kati, “Bona kuti utaciciti, nkaambo Ndili uumwi wa babunyina bako. Ndili umwi wa basinsimi.” Mwabona, mwabona? “Ndili umwi munyoko wako, umwi wa balanda nyokwe, umwi wa basinsimi; kopa kukomba kuli Leza.” Ta kali Jesu waka bukaka, wa kali musinsimi wata kakutambula.

383. Oyandwa Mukwesu Branham, ino ndwiindano nzi cindi Jesu nakayoyela basikwiiya a kuti, “Amutambule Muuya Uusalala,” a cindi nibaka—cindi niba kacita kuunka ku ng’anda yamujulu kuyo lindila?

⁶⁰ Ca kali cisyomezyo eco Nca ka basyomezya, kabayoyela cisyomezyo Cakwe, kati, “Amutambule Muuya Uusalala.” Ca kali cisyomezyo. Ba kaunka ku ng’anda yamujulu kuyo lindila cisyomezyo kutegwa cizulizigwe.

⁶¹ I cintu nciconya cindi notu bikka maanza ali ndinywe kutegwa muponesegwe, mpawo mula zumanana mu mulimo wanu kulindila cisyomezyo kutegwa cizulizigwe.

384. Mukwesu Branham, sa Jesu wakali kucinca cizwato cakunyama ziindi zikubwene cindi naakali bonya kuli basikwiiya nikwakamana bubuke Bwakwe?

⁶² “Sa Wa kacinca cizwato Cakwe cakunyama?” Nse—Nse konzyi kuziba, nkaambo Ndi yeeya kuti mbo cakabede, Ta kacinca cizwato Cakwe okuya. I cintu Nca kacita, Wa kavumba kubona kwabo na ku Mu ziba.

⁶³ Mbuli baabo bakazwa ku Emau, bakeenda a Nguwe buzuba boonse elyo cakali vumbidwe kuli mbabo. Elyo baka bona muntu aa nkomwe ciindi cimwi kazela awo mpo ba kazela kale; Wa kati, “Banike, sa kuli cintu ncomu jisi?”

Elyo ba kati, “Taakwe anco twa jana, twa zuba masiku oonse.”

Wa kati, “Amufusile ku lubazu lumbi.” Elyo wa kanuna cikama coonse canswi, elyo bakaziba mpawo kuti wakali Mwami. Ndi yeeya kuti tii cakali cizwato Cakwe caka cincwa, Ndi yeeya buyo kuti akali meso aa bantu akalivunibidwe.

385. Mukwesu Branham, ino ndwiindano nzi, ikuti—ikuti na nkokuli, akati ka Angelo wa Mwami a Mwami, Lwakwe?

⁶⁴ I angelo wa Mwami walo mutumwa kuzwa ku Mwami, elyo Mwami Lwakwe ngooyo Muntu, kutali muntu waciimo ca angelo, angelo uzwa ku Mwami. Andi mutondezye. Kukanana kwaansi ngooyu angelo uzwa ku Mwami. Kukanana kwaansi ngooyu angelo uzwa ku Mwami. Mbobuti mbotu ziba mpawo kuti mbangelo bazwa ku Mwami? Cindi baleta Ijwi lya Mwami. Pele cindi basola ku Li sandulasandula, talizwi ku Mwami mpawo, mwabona, mwabona, kusola ku Li bamba cintucimwi nco Li taambi. Kwaamba buyo kufumbwa eco. . .

⁶⁵ Mpawo kuli Angelo ugamyakwiinda useluka kuzwa ku Mwami, Mutumwa mbuli Gabriyeli, a—a Mikayeli, Isenda, abamwi bambi, mazina abo.

386. Mukwesu Branham, ncinzi cilibonya kulubila mu buzuba obo mbo tupona, mukuba musyomi a kutobela Mulumbe a mutumwa wa buzuba obuno, cindi nota boneki kukomba mbuli mbonga wayanda? Oyo mubuzyo mubotu.

⁶⁶ Nda syoma mukwesu, mucizi, kufumbwa oyo waubuzya, ciboola a bube bwa ciindi. I lubukulusyo lwakamana. I lubukulusyo lwa katola kwa myaka ili kkumi ayosanwe yainda, alimwi tii lwa katola kakutanaba kutandila kwindilila myaka yotatwe. Nda syoma ya tambula lubukulusyo lwayo lwa mamanino. Elyo Nda syoma ako nkekaambo ncota kombi a kulimvwa mu Muuya mbuli mbokali kucita. Nkaambo kakuti mililo ya lubukulusyo yakazima.

387. Mukwesu Branham, akaka pandulula obo muntu mbwa ziba ikuti na uyeeya mizeezo yakwe, na nkuti dyabulosi nguu bikka mizeezo yakwe mu miyeeyo yakwe kumubamba kuyeeya bubi, kanjikanji, ikuti na ulizi kuti toyandi kwiiyeeya.

⁶⁷ Mpawo, ikuti na ilaandeene ku Ijwi, ngu dyabulosi uyeeya. Ikuti na ileendelana a Ijwi, ngu Leza uyeeya. Ikuti na mizeezo mibi, ngu dyabulosi. Ikuti na mizeezo mibotu iya Ijwi a ya Leza, nkuyeeya kwa Leza.

388. Ikuti na kaambo ndiza kaba kuti ngu dyabulosi ubikka mizeezo mu miyeeyo kujatikizya cintu cimwi, mbobuti mboinga ya zundwa na ku tantamunwa?

⁶⁸ Bweza cakunze ca njiyo. Ikuti na dyabulosi ukubamba kuyeeya kuti—kuti—kuti uli. . .Ikuti na ulizi kuti uli Munakristo, elyo usola kukubamba kuyeeya kuti toli Munakristo, bweza buyo ciindene, amba, “Ndili Munakristo.” Kufumbwa buyo kuti luzibo lwako ka lweendelana a Ijwi lya Leza amba, “Ndili Munakristo.” Kufumbwacintu cimbi, nzila njiyonya.

Cindi wa wiingula oyu, akaka ndikombele kutegwa ndicizunde eci, mbuli Mbwe tali endikke.

⁶⁹ Leza ape kuzunda kwako, kufumbwa mbo bede. Akube kuti mizezo yako ijokele ncobeni buyo ku lubazu lumbi a kwaamba, “Ndili Munakristo; Ndili musyomi. Saatani, tokwe bweendelezi kuli ndime.”

⁷⁰ Caantagalala, Ndi liimvwi mpoonya ano lino kwaamba cintu nciconya, kulesya kuwizuka mpoonya ano aa cikambaukilo. Mbo mbubo. Ziindi zyone na zyosanwe Ndali aafwi kuwa cakuvundamina aa cikambaukilo. Obo mbwini. Leza ulizi obo mbo mbubo.

389. Cindi muntu waibaluka kuti ujisi kulimvwa kulyuubaula, na kulimvwa kwa musyobo umwi, ino mbobuti mbwa konzya ku zunda oyu? Aboobo, sa inga kwaba ikuti na wakali mwana alikke oyo wakacitya eci mu bukubusyi bwakwe butaanzi?

⁷¹ Bweza calubazu lumbi. Ikuti na lyoonse uyanda nzila yako, elyo kantu ako kaniini kasunda kayanda kuba a zintuzyonse lyonse mu nzila yako, kovuuluka ncobeni a kupa zintuzyonse nzojisi mu nzila imbi. Ikuti uli sikuliyanda nkabela uyanda kujatilila zintuzyonse, mpawo talika kupa ezyo nzo jisi. Mwabona? Cita kufumbwa . . . Koinka buyo bwaandeene. Eyo nje nzila ya kuzunda cintu cili coonse, ncintu cakusita.

⁷² Ujisi. . . Baama, bacembele bakumusanza bakali kunga baamba kuti, “Munzuwe wabukoko ncimwi buyo akubunywa.” Elyo eco cileelela mu nzila eyi akwalo.

390. Mukwesu Branham, nkuzwidilila nzi nko tweeled kuzumizya bana besu baniini kutola lubazu? (Wati nzi, nku. . .) Misobano nzi eyo bana besu baniini njo beelede kutola busena, kutola lubazu. Akwalo, mbobuti mbo tu konzya kubagwasya kusala balongwenyina?

⁷³ Amu babikke mu nkamu ya Banakristo kufumbwa kuti kamukonzya. Amu babikke a . . . Ikuti na musimbi, amu mubikke a basimbi Banakristo; basankwa Banakristo, bwaandeene. Ikuti na mupati kweelede kuti inga weenda aa musankwa, amu bone kuti weenda aa musyobo uli kabotu wa musankwa. Mu musinkile ku musankwa uli bumbi, na musankwa ku musimbi. Ikuti na weenda a utasyomi, amusole ku mukulwaizya kweenda a musyomi, alimwi bwaandeene. Amubambe ng’anda yanu kaili mbotu. Amubambe ng’anda yanu ibe busena oko mwana wanu musimbi na mulombe mbwa takafwidi nsoni kuleta beenzinyina kubusyu bwa basuyi a banyina, a mu ng’anda yabo; a kubamba ng’anda kijisi lukkomano maningi cakuti bayo botelwa mu ng’anda yabo a kukkala okuya.

Oooo, ma, njeeyi ili ciloba mu muncali. Nse koinka limbi pele maminiti masyoonto buyo.

391. Mukwesu Branham, sena wakabamba twaambo calino kujatikizya kuteeti bukkalo bwa mbungano bwakamana, Laodikeya?

⁷⁴ Peepe, taakwe Ne kaamba kuti bwakamana. Ikuti na Nda kacita, tokamvwiya, na pe Nda kacaamba bubi. Bwalo mbu . . . Obu mbukkalo bwa mbungano bwamamanino; mamanino aa makkalo aa mbungano, Laodikeya. Tabu na mana; cindi bwaakumana, Mbungano inoinkide. Aboobo kufumbwa kuti Mbungano kaiciliko, tabu na mana. Mwabona?

392. I kumana bukkalo bwa mbungano nkabela bwazima, Nabwiinga waitwa, twa njila kale na mucindi ca mapenzi mapati?

⁷⁵ Peepe, peepe, peepe, uli . . . Nda lombozya ni Nda konzya kuba a ciindi cinji ali oyo. Mwabona, mwabona? I Nabwiinga, cindi Atolwa kuzwa ku mbungano, mpawo bukkalo bwa mbungano buyo mana. Laodikeya yanjila mu lupyopyongano lumaninide; Nabwiinga waunka ku Bulemu; elyo ciindi ca mapenzi mapati caba kuli nakalindu uwona kwa myaka yotatwe acisela kuciindi Israyeli noijana cisinsime cayo; mpawo mapenzi mapati aba kuli Israyeli; elyo mpawo kwasika nkondo ya Amagedoni eyo inyonyoona zintuzyonse. Elyo mpawo, Nabwiinga wabweeda a Sibwiinga kwa myaka ili cuulu, bulelo bwa Mileniamu; kwamana boobo kuboola Lubeta lwa Cuuno Cituba; kwamana boobo kuboola Majulu Mapya a Nyika Mpya a Munzi Mupya kuuseluka kuzwa kuli Leza kuzwaku Julu. Butamani a ciindi zyasangana antoomwe.

393. I Muuya Uusalala wa kakwaambila kuti Myeembo tai jisi cakucita kuli Nabwiinga. Sa Mitiba ili Ciloba ijisi cintu nocibacomwe caku cita kuli ndiswe?

⁷⁶ Ndiyo lindila a kubona ikuti na Muuya Uusalala na uyo ciyubulula mu cianza eco. Nse na ziba pe.

394. Sena musinsimi wa Malaki 4 uyooba nguwe uyooita basyaalizi Bamasi iba Ciyubunuzyo 7:9, nekubakuti bayinda mucindi ca mapenzi mapati?

⁷⁷ Peepe, peepe! Kwamana i—i Ciyubunuzyo 7, nko nkuko nkwa kabona bali zyuulu zya mwaanda a makumi one azine ba kaandwa, elyo nikwakamana boobo wa kabona kalibonya, kujokela wakali mweelwe mupati oyo muntu ngwa ta konzyi kubala oyo wakali Nabwiinga. Ku yoba . . . I . . . Malaki 4 uyo manisigwa a Nabwiinga watolwa kujulu, a i . . . mpawo i . . . nkamu eyi ya—ya Eliya a Elisha yakujokela ku nyika kwa . . . I mbungano kwiinda mucindi ca mapenzi mapati, pele Eliya a Elisha tabakabi a cintu cakucita kuli nakalindu uwona (balo Mbamasi); bayo tumwa buyo ku ba Juda.

395. Sa Mizuzumo ili Ciloba eyo yeelene ku makani aasisidwe ali ciloba ayo akayubununwa kale? Sena yaka yubununwa

mu Zinamatizyo zili Ciloba, pele taina—pele taina zibwa kuli ndiswe mbuli Mizuzumo?

⁷⁸ Peepe, yaka yubununwa mu Zinamatizyo zili Ciloba; obo mbombubo Mizuzumo mboya kabede. Yakali yakuyubununa . . . I Mizuzumo ili Ciloba eyo ya kandindima majwi ayo elyo kunyina naba omwe wakali kukonzya kumvwisya mboya kabede . . . Johane wa kalizi mbo yakabede, pele wa kakasigwa kwiilemba. Wa kati, “Pele angelo waciloba, mu mazuba aa kulizya kwakwe, makani aasisidwe ali ciloba aa Mizuzumo ili Ciloba ayo yubununwa.” Elyo angelo waciloba walo mutumwa wa Bukkallo bwa Mbungano Bwaciloba. Mwabona?

396. Sena ula syoma kuti ziindizimwi Nabwiinga muumi muniini uyo bungana kubusenabumwi antoomwe a kwaabana zintu zyoonse bweelene, mbuli mbwa kacita Nabwiinga mutaanzi, antela kakutanaba buyo kuboola kwa Mwami Jesu mu makumbi?

⁷⁹ Lino, baka ndibuzya kuteeti sena Nda kacisyoma. Nse konzyi ku citondezya kwiinda mu Magwalo, pele antela kuyosika ciindi, ndiza, Ta ndizi. Kuyooba buyo ndiza . . . Nywebo mwabona? Ikuti na caakuba, inga ciyoopa cizibyo ca kuswena Kwakwe kwasika, kuba boobo . . . Wa kati, “Pele Uboola mbuli mubbi masiku.” Mwabona? Ula boola ku . . . Mbuli bbuku eelyo Nde kabala ali Juliet . . . *Romeo a Juliet*, Ula boola a—a kukwempa Nabwiinga Wakwe masiku. Waa kakwempwa mu kaindi kaniini, mu kulaba kwa liso. Mwabona?

⁸⁰ Elyo cila zumbauzigwa loko ikuti na ciyooba mu nzila eyo, nkaambo Bbaibbele lya kati, “Kuyooba bobile mu bulo; Ndiyo bweza omwe a kusiya omwe; a bobile mu muunda, elyo Ndiyo bweza omwe a kusiya omwe.” Mwabona? Aboobo balo ambweni . . . Koonse ku nyika, taba kabungani mu busena bomwe kwaabana zintu bweelene. Pele tukamu tuniini twabo tuno sabalangene koonse mu nyika.

⁸¹ Nda syoma, ndiza ikuti na Mwami wazumizya, eyi nje nkamu niini ya Nguwe. Ndiza nkamu imwi niini mu Asia, imwi kumusanza mu Germany, imwi kumusanza kubusenabumwi bumbi. Cindi ni Nda kabona cilengaano ca Nabwiinga busiku bumwi, Ba kabambwa kuzwa ku masi oonse. Mwabona? Aboobo Nabwiinga taka bungani kuzwa kubusena bomwe, Uyo bungana kuzwa ku nyika yoonse mbiizulwa. Elyo eco cilasimpikizigwa ncobeni antoomwe a Ijwi, alimwi Ijwi talina lubizizye. Elyo kusikila ku ciindi eci, taakwe cilengaano noca kasola kulubila, nkaambo cakali eendelana ku Ijwi.

397. Sa uli oonse ujisi lubbizyo lwa Muuya Uusalala lwini a ncobeni mu oora eli takabi mu Kukwempwa kwa Nabwiinga? Sa inga wapandulula? Ko twaambila eco nco tukonzya kukucitila mu nzila ili yoonse kugwasya kuubya mukuli. Lino, sena eco tacili cibotu? Mwabona?

⁸² Peepe, taakwe nco munga mwacita kwa ciindi ecino.

⁸³ Iyi, basyomi beni abo bakabbizigwa mu Muuya Uusalala bayooba muli Nabwiinga. Mubwini, balisalidwe a kwiitwa. I nakalindu uwona taaka jisi mafuta naceya. Abo baka jisi mafuta baka njila, pele i . . .

⁸⁴ “Ncinzi nco tu konzya kucita ku kuubya mukuli?” Iyi, mukwesu, mucizi, kufumbwa oyo ulemba oyu, kondi kombela; eco ncecintu cibotu kwiinda ca kucita. Ndaku lumba. Ta ndiyandi mali. Ndi . . . Kunji kwa ceeco kula njila ku ndibamba. Lumba Mwami nkambo ka ceeco. Ta ndiyandi zisani. Bunji bwa ziindi bantu balandipa zisani zyangu Nze sama. Elyo beenzuma bangu a zintu balandipa zisani. Elyo ba . . . Nda jana mali manji akusanizya mukwasyi wangu; oko nkukoonse nko tuyandika. Kuli bonya . . . Elyo mula konzya kundi kombela nekuba, nkaambo mubwini Nda yandikana lugwasyo lwa kumuuya.

398. Cili bonya mbuli kuti akati ka bakutausi ba Ijwi, kuti tujisi mukuli muniini na taakwe wa kukomba, ku kambauka, kuliimya kulya, na ku bantu basweekede abo banga bacinooli anze okuya kubusenabumwi mu inyika. Sena akaka inga watwaambila cakucita kujatikizya ciimo eci? Ndaku lumba maningi, Mukwesu Branham, kuli ceeci. Oyo weelede kuba mukutausi. Taa saina zina lili lyoonse ku mabala aya.

⁸⁵ Mukwesu . . . Nda keelela kwiingula cindi ni Nda kakatede, kudekela, a kubaanga nku, nywebo mulizi, kutalimvwa kabotu loko, aboobo Nda—Nda syoma kuti kulaingula mibuzyo. Nda—Nda mulumba maningi alimwi Nda—Nda luba na cintu eco Nce elede ku mwiingula.

⁸⁶ Bakambausi, mukutausi, kaambo nco tu jisi mikuli eyi . . . tatu jisi mikuli ya bantu basweekede. Ndi syoma kuti nku—nku bula lubukulusyo. Nda syoma tu ciyandika kusola kukomba kuli Leza kutupa lweetelelo ku bantu basweekede kusikila Jesu akaboole.

399. Mukwesu Branham, sa ula syoma kuti uli oonse ujisi Muuya Uusalala ula ambaula mu myaambo? (Peepe!) Ndi lizi waamba kuti kwaambaula mu myaambo—kwaambaula mu myaambo takuli kwa citondezyo ca Muuya Uusalala. Inga nda . . . Bakorinto Bataanzi 12:30, akaka pandulula. Sa inga wandi janina Bakorinto Bataanzi 12:30? Ndi yeeya kuti, “Sa boonse bala ambaula a myaambo?” na zimwi zimbi; Nseli masimpe. Ndiyo sola kubweza umwi umbi kuciindi noba wiingula.

400. Mukwesu Branham, sena inga wapandulula Jobu 14:21?

⁸⁷ Iyi. Jobu 14 njiyo, “Ikuti na muntu wafwa, uyo pona alubo na?” Oh, ikuti na muntu wafwa . . . Jobu, kaambaula zya bubuke. Ndi yeeya kuti Nda luujisi oyo cifumo cimwi, embo na? Na

sena oyo wali kuselelelo ku ng'anda ya Charlie? Muka. Cox wakaliko okuya kubusenabumwi. Jobu, wa kabona malubaluba obo mbwafwa a kuona alubo, pele wakanjila mu nyika nkabela taka jokela. Elyo mpawo cakapandululwa kuli nguwe kuti cintucimwi cakabisya. Wa kali kuyanda mwiiminizi akati ka nguwe a Leza, elyo mpawo wa kabona kuboola kwa Mwami.

⁸⁸ Ino ncinzi, mukwesu? [Mukwesu Branham ula mubandi a mukwesu—Mul.] Nda yeeya kuti abo bali Bakorinto Bataanzi 12:30. Inzya!

“Sa boonse bala ambaula a myaambo?” Obo mbombubo mbo Nda kali kuyeeya kuti mbo wakabede, pele tii Nda kali masimpe, mukuba ukatede mbuli boobu, pele. . . Peepe! Boonse taba ambauli a myaambo; boonse taba pandululi; boonse ta baambi boobu. Elyo mpawo nciconya cipati citobela, “Nekubakuti Nda ambaula a myaambo a bantu a bangelo nkabela nketa jisi luyandisyo, Nseli cintu pe.” Mwabona? Paulo, mu majwi amwi, ka baambila, “Sena boonse bala ambaula a myaambo? Ncobeni, taba citi. Sena boonse balasinsima? Peepe. Pele amu sukamine zipigo zibotu kwiinda; elyo nekuba Ndiyo mu tondezya nzila iinda kubota.” Mwabona? Boonse taba ambauli a myaambo.

Sa uyooba a muswaangano umbi wa kutweluka kotana unka? Ikuti na pe, sena cila konzeka kuba a muswaangano wakubuzanyana kwa mugame?

Ndi syoma kuti wacita. Lino, Nse jisi minji loko imbi. Andi sole kwiibweza ikuti na Nda konzya.

401. Yeeya kukumvwa kowamba kubona kuboneka kuusisyansoni kwa angelo. . . kwa sikwaze kauma mababa aakwe mu cizangala, kapengana kwanguluka. Ndi jisi baama bayandisi mu ciimo eco. Tabana kuzumizigwa kuba a bana babo botatwe bakwetwe kuboola ku muunzi kwa myaka yotatwe, nkaambo taba swiilili ku njisyo ya bausyi. Walo mukambausi wakabungwe. Baama bayanda kumvwa Mulumbe oyu wa ciindi camamanino, elyo Nse konzyi kutuma lugwalo kuli mbabo. Ino nkuciimo nzi nko beelede kusinikizigwa? Sena kuli cintu cili coonse Nce konzya kucita kunze lya kukomba?

⁸⁹ Eco inga caba necintu cilikke Nce konzya kuziba. Mulumi wakwe, mukuba mukutausi, taka mulekeli kuswiilila Ijwi. Ula yanda ku Li mvwa, pele taka muzumizyi ku Li mvwa, nkabela koba kombela biyo. Nda syoma mwanakazi wa—wa kafutulwa, nconzyo.

402. Mukwesu Branham, cila konzeka na ku muntu kusweeka a kuyo lijana mu gehena ikuti na wakaka Mumuni wa Ijwi, nekubakuti ujisi luzibo lwini lwa kululamikwa a kusalazigwa?

⁹⁰ Iiyi, munene! Mbo mbubo ncobeni.

403. Cindi wa belesya bwaambe bwakuti ikuti na tatu syomi Ijwi, tuyo pambulwa kuzwa kuli Kristo cabutamani, sena waamba kuti nakalindu mufubafuba uyo pona cabutamani, pele bayo pambulwa kuzwa kuli Jerusalema Mupya oko Kristo nkwayo kkala a Nabwiinga? Mpaawa abo bata jisi Muuya Uusalala, kuzyalululwa mbuli Lugwalo mbo lwaamba kuzyalululwa. Ikuti na kuzyalwa kwa kunyama kuyanda meenda, bulowa, a muuya, sena kuzyalwa kwa kumuuya taku yandi ntaamo zyoonse zyoatwe zya luzyalo muntu katana kuzyalululwa ncobeni?

⁹¹ Nincobeni, Nda zwa kupandulula oyo cifumo eci, nguonya, aa cintu nciconya. We elede kuba ntaamo zyoonse. Wa kazyalwa ku Muuya, mbubonya mbuli muvwanda mbwazyalwa, elyo mwida lya mutumbu, pele kutazyalwa kusikila batambula Muuya Uusalala. Mbo mbubo. Mpawo wazyalwa. Tona sandulwa, ucili mubweende bwa kusandulwa kusikila ciindi eco.

⁹² Ako nkekaambo kakuti makani oonse mapati aya ta keelela kupegwa kuli Luther, ta keelela kupegwa kuli Wesley, ta keelela kupegwa ku bukkalo obo bwazwa a ku twiinda, bukkalo bwa Pentekoste. Nkaambonzi? Tii cakali ciindi. Ba kazyalwa. Lino, Muntu wa ciimo ca Kristo, Lwakwe, Mwana aa muntu (mula mvwisya?) kaliyubununa Lwakwe mu mubili wabuntu, tii ca kakonzya kweelela kuboola kusikila lino.

404. Cindi Mileniamu yakutalika, mbobuti batasyomi mbo bayo gusigwa aa nyika?

⁹³ I batasyomi bayo unka mucuindi ca mapenzi mapati a nakalindu uwona, a boonse abo bamwi (batasyomi, a nakalindu uwona), a basyaalizi ba Israyeli abo beelede kuyo tolwa.

405. Mukwesu Branham, cindi bamwi ba . . . muntuumwi asika ali ndime na “kulyata tunwe twangu (Oyu inga waba umwi mubotu.)—kulyata tunwe twangu,” mbuli kaambyo kakale mbo kabede, bukali bwangu bulafuta; mbobuti Mbwe konzya kuzanda cintu eci? Ndi lizi Mwami weelede kuyo kucita, pele ncinzi Nce konzya kucita mu moyo wangu? Nse yandi cintu eci.

⁹⁴ Kobotya bukali bwako a mupailo, mpawo kositikizya mizeezo yako. Kuli . . . Nse yeeyeli kuti kuli bantu banji mu buyake bakasola kuba a bukali bunji buli boonse kwiinda Ndime Mbwe kacita kuzwa kumatalikilo. Oh, Nda—Nda kajisi mulomo kauzapawidwe ciindi coonse. Alimwi Nda—Nda—Nda kali kunga ndalya zyakulya zyangu kuzwa ku kapila kaniini.

⁹⁵ Baama bangu, mbuli mbomuzi, bakali ba India ku cibeela cimwi, a bataata bakali bana Irish, bana Irish baku Kentucky kuli boobo. Elyo boonse ba . . . Bobile baka jisi bukali bunji bwa kulwana mbuli saza ikkali likozya sikela. Elyo ciindi coonse mulomo wangu wakali zapaudwe; Nda kali muniini kuzwa

kumatalikilo. Elyo bakali kunga bandinyamuna a kunduumya ansi. Elyo Nda kali kunga ndanyamuka alubo; alimwi bakali kunga banduumya ansi alubo kusikila Nda konzya buyo maningi. . .kuta konzya limbi kunyamuka. Eco lyoonse. Elyo mpawo ni Nda kakonzya kunyamuka, Nda nyamuka alubo; baka nduumya ansi alubo. Aboobo eyo njenzila Mbwe ndaka kujisi.

⁹⁶ Nda kayeeya, “Nse konzyi kuba Munakristo.” Pele cindi Muuya Uusalala niwa kasika mu buumi bwangu, waka bumanizya. Takucikwe limbi. . .

⁹⁷ Nda kajisi mwanakazi ciindi cimwi; Nda kainka kuyo zima malaiti. Elyo buzuba obo Nda kajisi masusu atala a mutwe wangu. Waa kati, “Yebo ociyanga loko ciniini, cipalangene masusu kumutwe!”

Nda kamwaambila, Nda kati, “Mwanakazi, to elede kusinganya bobuya. Oh, sena to yoowi Leza?”

Waa kati, “Yebo ociyanga loko ciniini, cipalangene masusu kumutwe, ikuti na ni Nda kali kuyanda muntuumwi kukanana kuli ndime kujatikizya zintu mbuli ezyo, inga tee Nda bweza uutakkwene mbuli nduwe.”

“Whooh!” Mpawo waa kandiita bbi lya *masendelela*, zina bbi lya *masendelela*. Oh ma, ikuti oyo niwakali mwaka wa kumbele! Nda kaamba lyoonse, “I mwaalumi oyo unga wauma mwanakazi takali mwaalumi wini ukonzya kuuma mwaalumi,” pele antela Nda—Nda kalino cityola eco ciindi ku kwiita baama izina bbi mbuli boobu. Pele mulizi cintu na? Tii cakandi gonkezya kunyongana akwalo. Nda kati, “Ndiyo kukombela.” Tiica kapenzya. . .Nda kaziba mpoonya awo kuti cintucimwi cakacitika kuli ndime. Iiyi, munene! Oh, ma!

⁹⁸ Nywebo mulizi bubi Mbwe kacita ni Nda kacili mwana, kulwana! Katandila kujaya bantu bosanwe ciindi comwe. Kabweza raifo yakabikkidwe misyonga ili kkumi acisambomwe, elyo cindi balo balombe niba kanduuma nkaambo Nda kali muna Kentucky, taakwe kaambo kambi. . .Nse kakonzya kulungumika mutwe wangu akwalo. Omwe wakali kunga wandi jata ku maanza mbuli boobu, alimwi umwi wakali kunga wakaima awo a bbwe mu janza lyakwe a kundikandula ku busyu, kusikila Nda kawizuka buyo. Kunyina cintu mu inyika. . .

⁹⁹ Ba kali kundiita kuti “muna Kentucky sikkwabbu,” nkaambo baama, nibakali baniini, bakali kulibonya mbuli muna India ncobeni (nkelanga ku cifoto cabo kaindi kaniini kainda), elyo bakalizi kuti bakali bana India batamaninide. Elyo nkaambo kakuti Nda kali muna Kentucky abalo kuba bakumunzi maningi, bakali kundiita kuti “sikkwabbu, sikkwabbu muna Kentucky.” Elyo taakwe cintu Nce kajisi mu nyika cakucita muli ncico; Tii ndaka konzya kucinca nkaambo Nda kazyalilwa mu Kentucky.

¹⁰⁰ Nda kali kuunka kuselelo okuya ku cikolo, elyo Nse kajisi zisani zyakusama, a masusu angu kalengelela ku nsingo yangu. Elyo Bataata . . . Baama bakabweza jakete lya Bataata lyakaindi omo moba kakwatila, akuli tendaula a kundi pangila bulukwe bwa kusama ku cikolo ciindi cangu citaanzi. Elyo Nda . . . Elyo ba kandisamika masookesi atuba a mabbusu a tenesi. Elyo ba kati, “Ikuti na tolibonyi mbuli muna Kentucky ‘wiindilizya kwaambaula kwakubbalika.’” Elyo—elyo boonse . . . elyo eco . . . elyo mpawo, eco cakazumanana oonse angu—mazuba oonse angu aa cikolo.

¹⁰¹ Elyo balombe basyoonto, nkaambo kakuti Nda kali kweenda kuselemuka a musimbi umwi muniini mu mugwagwa a kubweza mabbuku aakwe . . . Tiiba kali kuyanda kuti nkecita ceeco, elyo bakandi swaana kuselelo okuya a kunduumu kusikila Nda kawizuka buya. Nda kabaambila, ikuti na inga bandilekela buyo kuunka, Nda syomezya kuti Ndiyo unka ncobeni kugama ku ng’anda. Elyo aboobo ba kabweza . . . kandi lekezya, ka ndibbakela ziindi zili zyone na zyouanwe, kunduumya aansi, akundi kwaula ku meso kwangu koonse. Elyo Nda kaunka ku ng’anda, mbuli boobu, kutala kwiinda mu muunda wa zipyaango.

¹⁰² Nda kajisi .22 raifo iina Winchester yaka yaamikidwe okuya ku mulyango. Katambikizya a kubweza raifo eyo kaizwide misyonga, kaunka nkoonya kuselelo kwiinda mu ziteo zya cisozi, a kuyuba kumbali lya mugwagwa kusikila balombe abo bosanwe na cisambomwe bakasika antoomwe awo. Kalindila buyo kusikila basika, elyo cindi nibakali kuya buboola awo, kabaambaula, kati, “Ulya mulombe muna Kentucky uyo mvwisya oko nkwazwa awa kuyabuya,” kazumanana mbuli boobu.

¹⁰³ Nda kayutuka a kaleswido kakakweledwe ku raifo. Nda kati, “Lino, nguuli wanu uyanda kusaanguna kufwa, kutegwa utalangilili bamwi?” Ba katalika kucwema; Nda kati, “Muta cwemi, nkaambo nyoonse mula fwa omwe a omwe.” Elyo Nda kali sinizizye! Elyo mpoonya awo ba katalika kucwema. Elyo Nda kakakwelela mujulu a kulesula! I ntobolo yakalesuka. Nda kabikka umbi musyonga mukati. Kalesula, yakalesuka; musyonga umbi, kalesula, yakalesuka. Elyo Nda kalongela misyonga iili kkumi acisambomwe aansi. Yoonse yayo ya kalesuka. A balo balombe bakazuka, a kuya boongolola, akuya bumwaikizyanya atala a cuulu, a zintuzyonse.

¹⁰⁴ Elyo nibakamana kucija, Nda kaima awo. Nkabela Nda kanyemedede loko, kusikila Tii—Tii—Tii ndaka konzya kulila, Nda kali kunga ndaseka mbuli ciyanga loko a misozi kaikunka mu meso angu. Lino, obo mbukali. Ikuti natakali Leza, Ni ndakaba mujayi.

¹⁰⁵ Elyo Nda kabwezelela misyonga eyo a kwiijosya mu raifo, elyo, “Bbo, bbo”; yali kukonzya kudubula kabotu mbuli lyoonse. Kanana kujatikizya luzyalo!

406. Bali kuli banakalindu bafubafuba kuciindi ca Mileniamu?

¹⁰⁶ Mu Mileniamu bali mu cuumbwe. “I bamwi bafu tiiba kapona kwa myaka ili cuulu.”

407. Sa kuyooba, na sena kuli busena lino bwa Nabwiinga bwa kubungana antoomwe kupona, mbuli Musa mbwaka sololela bana ba Israyeli?

¹⁰⁷ Ndiyo wiingula mubuzyo oyo kuli nduwe; wa kazwa kuyubululwa buyo kuli ndime. Ndiyo kwaambila bwini. Iiyi, munene! Kuli busena bwa Nabwiinga oonse bwa kubunganina. Uyanda kuziba oko nko bubede? Muuli Kristo. Kuliluleme. Bungana buyo mukati muya; tula ntoomwe toonse.

408. Nkaambonzi nco tupanga loko penzi pati lya misamino ya banakazi (Oh, oh, Ndu bwezela ali yooyu, embo na?)—penzi pati lya misamino ya banakazi a kugela kwa masusu, a kucita. . . taakwe caambwa kujatikizya masusu a baalumi na nzila mbwasama?

¹⁰⁸ Ee, mucizi, Ndiyo zuminana a nduwe cintu comwe. Busena butaanzi, Bbaibbele lyakati mwaalumi ta elede kuba a masusu malamfu. Elyo ikuti naalijisi masusu malamfu, inga ni Nda kamwaambila, mbubonya buyo mbuli Mbwe kwaambila. Uli lubide. Pele bunji bamaalumi, kunji kwabo mbuli ndime, taba jisi nokuceya. Pele bunji bamaalumi balagela masusu abo, libonya mbuli bamaalumi. Elyo lino, ikuti na tiiba cicitu, inga ni bakaambilwa kutacita boobo, kulekela masusu abo kulampa mbuli masusu a mwanakazi. Uyo cijana coonse eci mu zikonke zya lukwatano a kulekana a zintu cindi twa kukambauka ali ncico. I penzi pati mbuli kooku kwa mwaalumi. . . na misamino ya banakazi. . .

¹⁰⁹ Lino, mwaalumi, busena butaanzi, mubili wa mwaalumi tauli sunko mbuli wa mwanakazi. Lino, mwaalumi, mupati, wakaindi, mauulu alamasusu, manteeke, ida mbuli mpoto, a zintuzyonse, walo nkugalankana kuboneka bubu; elyo taakwecintu kujatikizya nguwe ca sunko. Elyo Ndi yeeya kuti ulibonya “bubikapati” kubona bamaalumi aba baboola kunselelo lya mugwagwa, bakubusyi na bapati, kaba samide tubbesu, kufumbwa obo mbo tubede, nywebo mulizi, kaselemuka mu mugwagwa. Ndi yeeya kuti oko nkuboneka kubi maningi Nkwe kasola kulanga. Mbo mbubo. Ndi yeeya kuti ta—ta zyilubazu lwa mukowa nkwa zulilwa (mwabona? Eco Mbo mbubo!), mwaalumi oyo ukonzya kucita cintu mbuli ceeco.

¹¹⁰ Elyo mulizi kuti ninzi? Nda kazwa kumvwa buyo myeezi misyoono yainda, Impi ina America iyo sama mu nzila eyo. Iiyi! I Impi ilaboola kuba mwaka utobela, na mwaka kwakumana

utobela, yoonse mu tubbudula. Mbobuti mbo tuyooba a cikama cipati ca basibwanakazi?

¹¹¹ Leza wakalenga mwaalumi kulibonya mbuli mwaalumi, a kulilemeka mbuli mwaalumi, a kusama mbuli mwaalumi. Wa kalenga mwanakazi kucita mbubonya, kusama mbuli mwanakazi, kulilemeka mbuli mwanakazi, a kuba mbuli mwanakazi. Kutandila cifumo cino, kujatikizya. . . I mubuzyo waboola kujatikizya mwaalumi. . . [Lubazu lutaanzi lwa teepu lwamana cakutazulila a lubazu lwabili lwatalikila cakutazulila—Mul.] . . . Ikuti na uyanda ku. . .

¹¹² Ikuti na mwanakazi ujisi masusu atanteene loko, elyo uyanda kusama cimwi ca zeezyo “ziwiigi” na kufumbwa mbo mucuuta, Ndi yeeya kuti eco nce. . . Mukaintu wangu ula cisama. Nci i. . . Wa amba kuti masusu aakwe mafwaafwi, elyo ujisi musyobo umwi wa cintu citandila kubulungana obo, libonya mbuli bbisiketi liindilide kukomena, ncobeni, liindilide kumusela. Elyo uzambaila masusu aakwe kuzunguluka ceeco a kumanga tu pini muli ncico. Elyo lino, i. . . Kuciimo mbuli Mbwe langanya, eco—eco tacinyonganyi cintu cili coonse kufumbwa buyo kuti masusu ako kaali malamfu.

¹¹³ I mukutausi wakati mukaintu wakwe wa—wa kajisi mulandu, nkaambo waa kajisi i—i penti mu masusu aakwe. Elyo Nda kaziba kuzwa ku mubuzyo, eco caamba mubala na kupendulwa mu masusu aakwe. Nse konzyi kwaamba kuti eco cililubide; Nse jisi cintu kujatikizya nkuko. Ikuti na ujisi masusu malamfu, nku koonse Nkwe konzya kwaamba kujatikizya nkuko.

¹¹⁴ Elyo lino, mwaalumi. . . Muntu oyu waamba kuti cifumo cino kugusya masusu abo, kwaajosya alubo. Lino, eci cakabaanga canjila omu akwalo, kujatikizya kugela masusu. Mwabona?

¹¹⁵ Lino, ikuti na—ikuti na mwaalumi tajisi masusu, elyo mukaintu wakwe. . . Nda kabamvwa banakazi kabati, “Ee, ikuti ni Nda konzya kubweza John. . . Ndi yeeya kuti inga walibonya kabotu ikuti na—ikuti na wasama kabeela kamasusu. Ino uyeeya nzi kujatikizya nkako, Mukwesu Branham? Sena cili lubide kuli nguwe kucicita?” Peepe, munene! Peepe, nconzyo, taci lubide, pe nokuceya. Ikuti na uyanda kukasama, eco cilikabotu, ncimwi buyo kusekka meno aakulipangila na kufumbwa eco ciboola ambali.

¹¹⁶ Akwalo buya, Ndi jisi meno aakulipangila otatwe lwangu. Nda lombozya ni Nda tali a jisi. Ali aa kawaya; lyoonse afwiimpya jwi lyangu, a kutenda mulaka wangu, a zintuzyonse zimbi, pele Nde elede kuti nke ajisi kukulisya. Elyo ikuti na Nda. . . Cindi Nda noli kumasi alikule ku miswaangano yakumbi, Ndi sama kabeela kamasusu; kutali kuti kaambo ka buboneki bwako, nkaambo nywebo mulizi inga Nda ima mpoonya awa ikuti na ni Nda tali jisi masusu atala a mutwe

wangu na kufumbwa mbo kwakabede. Nikwata ndibamba bwaandeene; Ndili waano kwiiminina Jesu Kristo. Pele cindi Nda ima aanze alya, kutandila busiku butaanzi muli amwi awo maguwo amvula mu zyooko zipya maningi a mudumo, busiku bwakatobela kameneno kangu kanola zilonda loko cakuti Nse konzyi kuya kokuya.

117 Aboobo mpawo, ikuti na—ikuti na cakali cintucimwi nce Nda kali kuyanda kucita, elyo ndakalimvwa kucicita, ni Nda kacicita. Iiyi, munene! Takukwe cintu caamba kuta cicita. Takukwe cintu caamba kuti, mucizi, to konzyi kusama ciwiigi, na kabeela ka masusu, na cintucimwi na cimbi mu aako... Eco cilikabotu kumaninina, pele lekela masusu ako akkale kali malamfu. Elyo mwaalumi, kogela aako. Ayo ngo jisi, kowagela. Mwabona? Mpawo, eco caci bamba eco.

118 Elyo mwanakazi, kosama mbuli mwanakazi. Elyo mwaalumi, kosama mbuli mwaalumi; utasoli kuba mbuli sibwanakazi a kusama zisani zya banakazi. Elyo banakazi, mutasoli kuba basibwaaalumi a kusama zisani zya baalumi, nkaambo Leza tayandi kuti kamu cicita; Bbaibbele lilatapatila eco.

119 Pele lino, kujatikizya kusama kabeela kamasusu na kusama masusu...Ee, ino ncinzi cimwi ca zeezyo “ziwiigi”? Sena Nda lubizya kaindi kainda na sena eyo ni “mbeba”? Nci—nci ncintucimwi—ncintucimwi eco i—i mwanakazi ncabika mu masusu aakwe kwaabamba kulibonya loko...Kufumbwa na mbocibede (mwabona?), taakwe cintu cilubide kuli ceeco. Ko zumanana, cili kabotu.

409. Mukwesu Branham, mucizi wakaboola ku cikombelo kwa mamaile ali myaanda ili lusele, elyo waa kati waa kasyoma kuti nduwe Jesu Kristo muciiimo cabuntu. AKaka kanana ali ceeci. Waa kali maningi (k-u-t-a-...) kuta kkazikacamba mu kwaambila bamwi eco nca yeeya. (K-u-t-a-k-a-...) Kuta kkazikacamba. Yaa.

120 Lino, mubwini mucizi wakali lubide. Ta ndili Jesu Kristo; Ndili mulanda Wakwe. Twa kainda muli eco kwa ziindi zinji loko. Pele...

Oh, Ndiya kuswena loko lino; amundi kombele buyo, aniini buyo kwindilizya.

410. Mukwesu Branham... (Sena inga mwayanda kumvwa imwi yanjiyo ca—ca kufwambaana mbuli mbo tu konzya?) Mukwesu Branham, ciindi cimwi Nda katyompya Leza wa kandipa i...limvwa kuti Leza wakandipa cisyomezyo mbuli ca Sarah. Kwakali mubuzyo, pele cisyomezyo cakaboola nikwakamana. Sena cakali cisyomezyo ca Leza? Nda kalizi ca Sarah mbo cakabede, pele Ndi limvwa kuti ciindi ncisyoonto maningi. Tula uyanda mulimo wako a Oyo Wa kakwiita (Eco ncibotu, embo na?)—yanda mulimo

wako a Oyo Wa kakwiita kuli nguwo, elyo aboobo, tula kuyanda. Oh, basaina zina lyabo. Ndaku lumba, mucizi a mukwesu. I mubuzyo, inzya, inzya. Yaa.

¹²¹ Lino, Leza . . . Yeeya Wa kupa cisyomezyo, elyo caka citika mbuli kuli Sarah. Masimpe, ngu Leza nguwenya; Ula ingula munzila njiyonya. Uta syomi cintu cimbi pele kuteeti wakali Leza.

Mukwesu Branham, inga Nda yanda kukubuzya mibuzyo imwi iijatikizya Bbaibbele. Akaka pandulula Musalali Marko . . .

Nda ka luubwezede umwi oyo; Nda ka luubwezede oyo, Musalali Marko 16. Twa ka luubwezede oyo buzuba bumwi, Ndi yeeya. Atu bone.

411. Oyandwa Mukwesu Branham, akaka pandulula Musalali Matayo cipati 22, kampango, cindi . . . (Twa ka luubwezede umwi oyo. Mwabona? Mula yeeya buzuba bumwi? Ndiyo—Ndiyo utondezya kuli ndinywe. Nda kali . . . Kuubona mpoonya awa, 22.) **Mbobuti mutambe oyu mbwa kanjila mu Pobwe lya Mucado, oyo wakasamide cikobela, pele takasamide cikobela ca mucado?**

¹²² Amuyeeye, Nda kati . . . Nda kabaanga ndabikka kudana kuniini; Nda kati, “Mukwesu wakabungwe oyo wakaboola kwiinda i—i . . . oyo wakaboola kwiinda ku mpulungwido kutali kwiinda ku Mulyango.” I Mulyango ndi Ijwi.

Wa kaamba kuti Kaini wakali wa lunyungu lwa nzoka. Ino nkaambo nzi Eva nca kati, “Nda jana muntu kuzwaku Mwami”?

Ngo nguwe Ngweli kusola kulangalanga cifumo eci. Ndi jisi Magwalo alembedwe a oyo. Ndi noya butondezya aniini; Nda syoma obo. Kujana imwi awa . . .

Mukwesu Branham, mulumi wangu, oyo wakakomezegwa kuba muna Katolika, mu bukombi bwesu uyanda kukomba nzila yakwe.

Nda ka luubwezede oyo. Mula yeeya?

Oh, Ndi bweza eyi moonya omu lino. Nda ka luubwezede umwi oyo.

Mukwesu Branham, Nda kumamanino . . . ku kukwelelezya mucizi wangu ku da- . . . Nda luubwezede oyo. I mulindu wajisi mucizi muna Katolika.

Mukwesu Branham, muli Timoteo Wabili 4, ino ncipego nzi eco cakapegwa kwiinda . . . ?

Nda ka luubwezede umwi oyo. Mbangaye baiyeeya eyo? Ndi jisi imwi yayo isanganisidwe awa. Mwabona?

Sa cili mumulao kuli ndiswe kubelesya kufumbwa musyobo . . . ?

¹²³ Oko nkunyonauna kuzyala. Nda—Nda . . . Andi kanane kuli nduwe ku—ku kumbali ali ceeco (mwabona?), mbuli Mbwe amba cifumo cino.

Lutaanzi, sena banakalindu bafubafuba bosanwe banofutwidwe ciindi ca . . . ?

Nda luubwezede oyo. Ndili mukutondezya awa. Kwakaindi buyo kaniini, amu ndikkazikile biyo zyamba.

Kwamana kuziba nzila, neiba nzila ya kweempwa a kusalazigwa (Nda luubwezede umwi oyo, mula yeeya?), **mpawo kuwa kuzwa kuli yeeyo . . .**

Nda luubwezede umwi oyo awalo. Nda tondezya kumwi. Nde elede buyo kwiibweza mbuli . . .

Mukwesu Branham, ino Musalali Matayo 24:28 yaamba nzi: “Nkambo kufumbwa oko mutunta nkoubede, oko basikwaze bayo bungana”?

Mula ndiyeeya kuupandulula oyo? Mwabona? Nda luubwezede oyo. Ambweni Nda manizya yoonse antoomwe a njiyo. Alumbaizigwe Mwami!

Calo nciindi—sa nce ciindi eco Nabwiinga nca elede kuyo—kuyo ba a nduwe ku (Lino, Nda luubwezede umwi oyo.) **i Kukwempwa?**

Ambweni Nda . . . Alimwi Ndi lizi Nda luubwezede umwi oyo, nkaambo wa leengeledwe anselelo; Ndi lauyeeya oyo. Ee, alumbaizigwe Mwami! Tuya kuselemuka ncobeni lino. Atu bone.

412. Mbokunga Incito 2:38 nje nzila ilikke ya kubbizigwa, ino kujatikizya makamu . . . ? Nda luubwezede oyo.

¹²⁴ Taakwe nibaka luzi mu mazuba abo; ndelino biyo neya yubununwa. Wamana kuziba ca kucita, “Kuli oyo uzi kucita cibotu mpawo taciciti, kuli nguwe ncinyonyoona.”

413. Mukwesu Branham, sena cililubide kulima—kulima a kubeleka muli tombwe? Nse syomi na Nda luubwezede oyo.

¹²⁵ Lino, Nda ulwana tombwe. Nda lwana kubelesya tombwe; kufumbwa Munakristo wakazyalululwa uyooba; kwamana, nkaambo cili lubide. Tu lizi kuti ayalo sayaansi ya masilike yaamba kuti eco necitalisya bunji bwa tumeneno a—a kkulenge lya ku mapunga, ngu—ngu tombwe. Baamba kuti, “Misanga yatombwe iiseba busi.”

¹²⁶ Lino, kuli ndinywe no baalumi a banakazi bafweba, oko nku mucenga buyo, nkaambo tamu konzyi . . . Ee, cintu buyo eco ncoba cita . . . Cindi waula misanga yatombwe yakasebwa, weelede kuula minji yayo, nkaambo kulekela buyo mapeseenti amwi aa busi kwiinda. Nkaambo kufumbwa muntu uyo mwaambila . . .

127 Nda kaumvwa mubandi oyo wakuiisya oko ku Muswaangano wameebebe Wanyika kutala mu Washington mwaka wainda (cindi ni Nda kali kokuya ku Muswaangano wameebebe Wanyika), abalo bamadokotela kuzwa ku inyika yoonse okuya baka cipandulula; kaamba kuti tokonzyi kuba aa busi kakunyina itwe, alimwi tokonzyi. . . Elyo ikuti na ujisi busi ujisi itwe. A kuti, “Muta lekeli muntu ku mucenga ku misanga yatombwe yakasebwa, nkambo oko nkofweba omwe na umwi oyo uyo kkutya cilakalaka nco jisi ca misanga yatombwe, uyo fweba yobilo na yotatwe ya imbi.” Nka buyo a i-i kooze kubuleya, kooze kakukwelelezya buleya ali sikapepele na cipekupeku.

128 Pele ku beleka muli tombwe na kulima tombwe. Lino, nywebo no bakwesu baku Kentucky abo balima tombwe oyu. . . Ee, anda ambe cintu comwe: Ikuti na cikupa mulandu ku cicita, uta ciciti, nkaambo inga Nse yanda kupanga cintucimwi eco cinga. . . eco Nce ndizi cali kugwasilizya muntuumwi oonse ku lufu lwabo. Ncibi kupa simukobonyoko cakunywa cikola, mpawo inga ncibi kukondola cakunywa cikola. Pele anda ambe cintucimwi cimbi lino. Lino, mbuli kuciimo ca kuulima. . .

129 Tombwe, nywebo mulizi, nikotini awalo ulabeleseghwa mu nzila zyamisamu. Elyo sena mulizi kuti musyanga mapopwe ayo aa panzya whisky, whiiti a bbaale ezyo zipanzya whisky? Mbo mbubo? Yaa. Mwabona? Ta muzi cintu nco bayo abelesya.

130 Pele lino, tu lalima mapopwe, kuti tula konzya kuyeeya cindi notulima mapopwe ayelo, kuti ambweni inga apanzya tupapalikwa twamapopwe ayelo, a cakulya ca bantu, cinkwa camapopwe ayelo, a zimwi zimbi; pele akwalo balapanga zyakunywa zikola kuzwa kuli ngawo (mwabona?), aboobo inga tooziba cakucita.

131 Elyo mula lima. . . Mu jisi mbeu ya mpana. Sena mulizi eco nco bacita a mpana? Bapanga musamu opiamu kuzwa kuli njiyo. Sena mulizi eco ncobacita a lettusi? Bacita cintu nciconya. Opiamu ayalo ili muli lettusi. Sa mwakasola kulya cikama ca lettusi a kubona obo mbonga walimvwa butontozi kwa kaindi kaniini? Ngu opiumu muli njiyo. Sa mulizi kuti moili amwalo muli hanyisi? Masimpe. Aboobo, nywebo—nywebo mwabona, ciya buyo ali ceeco nco cicitila.

132 Pele anda ambe ceeci, mbuli mukwesu Munakristo ku mukwesu Munakristo: Ikuti na ujisi cilivunyo ku tombwe, cisambale kuli umwi umbi, tola ciindi ku mapopwe. Nda syoma inga ciyo bota (mwabona?), nkaambo taakwe kuzumbauzya bali mukulima ayo. . .

Mulumu wangu wakakwete sibukoko a simamambe. . .

Nda luubwezede oyo. Uuzwa ku. . . Nda mwaambila oko nkowa zwida. Uzwa kulaale kuzwida kokuno. Nda luubwezede mubuzyo oyo. Elyo lino, atu bone.

I mwanakazi wamu Ciyubunuzyo 12 . . .

Nda luubwezede umwi oyo. Inzya, Ndali cibwezede eci cikama ca mibuzyo. Atu bone. Oyo wabwezegwa; Nda liibwezede. Ula Ciyubunuzyo 12, obo mbwakabede. Atu bone.

414. Mukwesu Branham, tujisi bana bobile abo baunka ku mbungano eyo yeendelezegwa a mukambausi mwanakazi. Tu lizi kuti uli lubide ku Ijwi. Bana besu bali kungsi ku bweendelezi bwa kongelegezegwa oku kwanguzu. Mbobuti mbo tweelede kutalika kubaambila bulubizi obu?

¹³³ Nda kamwaambila kale. Nda ka wiingula oyo. Elyo kulanganye munzila ya buuya. Ino ncinzi nconga waamba ikuti na Nda . . . Ndi zyi muntu oyo ulikkede awa. Ino ncinzi nco wamba ikuti na Nda syoma kuteeti Ndi lizi mwanakazi mbwabede a kukonzya kukwaambila?

415. Sa bulelo bwa Mileniamu buyooba myaka ili cuulu na kubala biyo kwa ciindi?

¹³⁴ Nda luubwezede umwi oyo akwalo cifumo cino. Mwabona? Ngu myaka ili cuulu. Yaa.

Mukwesu Branham, penzi lya . . .

Inzya, Nda luubwezede oyo. I whiiti a nsaku, mula yeeya twa luubwezede oyo.

Nda syoma tuya nkoonya kunselelo lino. Antela ndawaalide cikama ca yeeya kusule. Atu bone. Cintu nconya.

Mukwesu Branham, Ndi mutumbu ulaa bana babotu bali cisambomwe alimwi mulumi wangu uyanda kuti ndiinke ku kubeleka kwakaindi buyo kaniini kugwasilizya zyamali. Sena Ndi inke? Akwalo ndiyanda kukomba kuli Leza kuti andipe lusyomo kutegwa . . . ku ndipa . . . Abrahamu a— a . . . mbuli lusyomo . . . mbuli Abrahamu a Daniele a bana ba Hebrayo. Sena Munakristo inga walima tombwe? Nda zwa kwiinda muli oyo. Elyo . . .

416. Mukwesu Branham, sa cili lubide ku mwanakazi kunyoola mauu aakwe?

¹³⁵ Sena Ndi bona zintu? Sa waamba obo? Nse konzyi . . . Ta ndizi. Ndiyo usiya oyo kuli nduwe.

Sa—sa buno buzuba kulilubide kucesya mukwasyi wako? Sena cakaamba kucitaula kunyonauna kuzyala cakumaninina?

¹³⁶ Nda wiingula oyo, mubwini, ku i . . . mugame aumwi. Atu bone.

Ikuti na mwanakazi kacili mu cinyonyoono walekwa a kukwatululwa a . . .

¹³⁷ Nda wiingula oyo. Mula yeeya Nda ambide kuti, “Amuleke twaambo twa kulekana mane . . .”

417. Ndi jisi mweenzuma Ngwe yanda loko. Waa kajisi mateepu amwi a magwalo ayo Nge syoma kuti ajisi. . . nseka kanana kuli nguwe. Ncobeni, Nda yeeyela Ndili libilikide ku munyonyoona a ku musweekelwa mbuli bweenzuma. Ino Ndi cite nzi?

¹³⁸ Kanana kuli nguwe mu luyandisyo. Ta ndi. . . Nda syoma Nda wiingula oyo, pele Ndi—Inga nda. . . Ta—ta soli ku sungilizya cintu ku muntu uli oonse. Koba buyo munyo; bayo yanda kuba mbuli nduwe.

Mukwesu, mucizi, Nda syoma Nda ingula eyi.

Mukwesu Branham, akaka pandulula kujatikizya banakalindu bafubafuba bosanwe.

Ndi—Ndi lizi Nda luubwezedede umwi oyo. Uli lembedwe, alimwi ndi pepa lisalala. Nda syoma tuli. . . Nda luubwezedede oyo. Nda syoma Nda ingula yoonse ya yeeyi. Alumbaizigwe Mwami. Atu bone. Amu ndijatile kwakaindi buyo kaniini.

418. Oyandwa musinsimi wa Leza, Musalali Marko 16:18, Ndi. . . cibeela cakubikka maanza aa balwazi. . . Ndili mu busena mukkala basimujata nzoka. Mbobuti kujatikizya nkuko?

¹³⁹ Ee, mubuzyo oyo mubotu. Ikuti na uli mu busena mukkala basimujata nzoka, elyo baamba kuti Marko 16. . . Nincobeni! Nda syoma kuti Bbaibbele lyaamba buyo ceeco Nco lyaamba. Nda syoma ikuti na twa sola kusunka Mwami mu cintucimwi, twa patila nkambo ka ncico. Pele Nse yeeyi kuti Leza waamba kuti mundiletele bbodela lya musamu mukali maningi kujaya aku bona ikuti na Ndiyo unywa a kukutondezya kuti Ndi jisi lusyomo; ncimwi buyo Mbwe tasyomi kuti inga caba kabotu kuli nduwe kundiletela nzoka, a kundilekela kwiibweza, a kukutondezya kuti Ndi jisi lusyomo lwakuti inga Nda zunda busaki bwayo. Nse syomi kuti eco cili boobo.

¹⁴⁰ Ndi syoma kuteeti na Ndali mu maanzi nkebbizya bantu, na kucita mulimo wa Mwami, na kumasena aa musokwe, elyo nzoka yandiluma, inga Nda konzya kuzumanana kweenda mu Zina lya Mwami. Mwabona? Ndi syoma eco nce cakali kwaamba.

¹⁴¹ Lino, ikuti na weelede kubweza. . . Bona, eco ncocita a ncico, muntu oyandwa kufumbwa na obo mbo bedede—mbo bedede. . . Koyeeya eci. Wabona? Langilila eco Bbaibbele ncolya kacita kujatikizya ncico. Ncimwi buyo Mbwe tasyomi ikuti na wasola kwaamba kuti, “Bulemu, bulemu, bulemu. . .” Uta sunki Leza kwaambaula mu myaambo, lekela buyo Muuya kwaambaula kwiinda muli nduwe. Wabona?

¹⁴² Lino, Nse syomi mu kusunka Leza na kusungilizya cintu cili coonse. Mbuli Mbwe ambide kaindi kaniini kaina, cindi Muuya. . . Tula lindila ku Muuya; Ula cicita.

143 Lino amulangilile, Paulo wakali kubwezelela tusamu aa kasuwa ka Krete, Nda syoma mbo kwakabede. Elyo wa kalaangidwe mu nketani, elyo nzoka, ambweni minyengwe. . . Oko nkulumwa kwa lufu; wa keelede kuwida ansi cakufwambaana ncobeni, kafwide. Ta ndizi nzoka imbi ikonzya kukujaya cakufwambaana kuli boobo, cita kuti kaili minyengwe.

144 Elyo mpawo wakabweza minyengwe eyi, tuyo amba. Nkulumwa kwalufu; ujisi buyo kutandila, kuyooya kuniini kusyeede. Cindi minyengwe yakuluma, na, nkombola, ujisi coolwe ceelene, a meenda aaminunuka kubulowa, kupona, ku nkombola iisiya. A nkombola yayelo ujisi mapeseenti aa makumi ali lusele kufwa a kutandila ali makumi obile aa kupona; minyengwe, to jisi peseenti. Ufwide kale, kwamana, nkaambo toyoyi pele buyo kuyoya kuniini biyo. Ilebula bweende bwa nsinga zyaboongo, bweende bwa bulowa, a zyoonse zimbi, elyo wafwa. Wabona?

145 Pele cindi—cindi eyi minyengwe eyo ya kaluma Paulo mu janza, ba kati, “Ee, muntu oyo ngu i. . . Muntu mubyaabi, ambweni mujayi. Nekubakuti wa kaloboka lwizi, nekuba i. . . ta kakonzya kuloboka lufu. I tuleza tuyo liya nkoto kuli nguwe mbuli bwakwe—mukuba mujayi.”

146 Paulo wakalanga, a nzoka eyi kailengelela ku janza lyakwe, wakaisansa buyo kwigwisya, kutali mu kunyongana koonse, “Oh, Mwami, ndigwasye ku cicita.” Peepe! Wa kailanga, a kwisansila mu mulilo, kazumanana kuya bubwezelela tusamu mbuli kuti kwiina cintu cacitika.

Ba kati, “Uyo fwa mu kaindi kaniini, nkaambo cindi nzoka yakuluma, wafwa.” Nikwakamana kaindi ciindi nicakainda, Paulo taka zimba, kufwa, na taakwe kucisa. Ba kati. . . Ba kacinca, kati, “Nkaleza ako kaboola ansi mu ciimo ca muntu.” Mwabona?

147 Taakwe na kati, “Amundiletele nzoka eyo,” pele nzoka yaka muluma. Ta ka sunka Leza, pele waka jisi lusyomo muli Leza kuzunda kulumwa kwa nzoka. Nywebo mwabona eco Nce wamba?

148 Aboobo kufumbwa obo mbobede akati ka basimujata nzoka, Nda. . . Lino, ikuti na bayanda kujata nzoka, eco—eco cili kuli mbabo. Wabona? Nse ciboni buyo mu cianza eco.

149 Lino, yebo waamba, “Ee, bantu abo bajisi lusyomo.” Nse ambi kuti taba jisi lusyomo, kulyuumpa lwabo beni a mulilo wa asetilini a zintu mbuli ezyo, pele (yebo wabona?) nekubaboobo eco tacitondezyi Leza.

150 Nda kabona bana India kaba bweza i—i munkali wamulilo, tukokola totatwe mubukwasule a kutandila mayaadi ali makumi one kulampa, cindi cavupaulwa a matu kusikila watuba buu kupya (kutali bantu basalesale, balimi), samununa mabbusu

abo, bweza tuniini (bapaizi bala baleleka a bulowa bwa mpongo), a kubweza tulobo tuniini twa tulobyo twanswi, aku liyasa mu lukanda lwabo ku milomo yabo, kusikila baba akuteta komwe kupati kwa—kwa maanzi, aazwide mu tubbola tuniini twa cisamu ca Krismasi mbuli bobuya, tulisakatizyo, tuzwide, tulobo twanswi tupati tulamfu bobuya katu yaside mu nyama zyabo (inga mwayeeya eco mbocibede kunjizya a kugwisya), a kwiima mbuli bobuya, a kweenda nkoonya kukosola mulilo ulya upya buu (elyo ci buyo—buyo utuba buu kupya, kwiindilila kusubila, kutuba buu kupya)—kweenda mpoonya ansi kwiinda mu mulilo ulya a kuvuuluka a kweenda kujoka, taakwe mbata ya kupya ku matende abo. Kakuli taba syomi muli Leza wesu. Bala komba, kukomba madaimona. Mwabona? Aboobo eco ta caambi cintu. Ko tantamuka buyo. . . Koba buyo Munakristo wini, mubotu, mubombe, kupona buumi, elyo mpawo Leza uyo langanya zimwi zya ncico.

419. Mukwesu Branham, ino ncinzi bakambausi ncobayo kambauka ku—ncobayo kambauka kuli baabo batakaunki muli Nabwiinga? Mulumbe wabo lino, Muuya Uusalala, lubbizyo lwa maanzi, a lufutuko, ncinzi ncobayo kambauka ikuti na batakaunki muli Nabwiinga?

¹⁵¹ Ee, bayo. . . Nywebo mulizi na ndiza cinga ciyo citika? Nda amba eci, lino. Nse konzyi kucitondezya eci, pele Ndi. . . Bayo zumanana buya kukambauka mbuli buyo mboba ujisi lino, a bantu kabayabuya kabayeeya kuti bali mukufutuka; elyo Nabwiinga uno inkide.

420. Sa cili luleme, kweendelana ku Ijwi kukutauka kunyonauna kuzyala?

¹⁵² Nda mwaambila inga Nda wiingula oyo cakumbali. Nywebo nomujisi mibuzyo eyi, amuboole kuli ndime cakumbali.

Oyandwa Mukwesu Branham, tu jisi mwiiyi oyo ngozi kuti Lugwalo lwaamba. . .

Inzya, Nda luubwezede oyo. Kwakaindi buyo kaniini lino.

Mukwesu Branham, ciindi cimwi twa kajisi zina lyesu kalibikkidwe mu bbuku lya bumwi. . .

Inzya, Nda lubwezede oyo. Ujatikizya mbuli mbo bakacigusya lino, sena baka lubizya?

421. Ncinzi. . . Sa inga waiminina kunyonauna kuzyala antangalala?

¹⁵³ Peepe, Nse kwiiminini antangalala. Peepe, munene! Mwabona?

422. Cila. . . Sa angelo waciloba, mbuli mbokwa kaambwa, kwa Ciyubunuzyo 10, muntu nguwenya mbuli Eliya wa Malaki 4?

Sena Nda wiingula oyu? Oyo tau limvwisiyisi mbuli kuti Nda wiingula.

¹⁵⁴ Iyi, muntu nguwenya. Ciyubunuzyo 10 Mulumbe wa angelo waciloba, oyo . . . mutumwa angelo waciloba iwa Bukkallo bwa Mbungano Bwaciloba, uli ngu Malaki 4.

Sa kunyonauna kuzyala . . .

¹⁵⁵ Ndi jisi kunji ali oyo. Nda ijosya buyo eyo, elyo Nse—Nse li kuyanda kwiingula eyo; inga Nda sala kukubona cakumbali.

423. Mpaali mpo tu jana awo Nowa mpa kakambauka kwa myaka ili mwaanda a makumi obile a kuyaka bwaato mu myaka ili mwaanda a makumi obile?

Sena Nda wiingula oyo?

¹⁵⁶ I nzyalani, na ciindi cakabikkwa, ciindi ca muntu cakabikkwa mu nyika yakali myaka ili mwaanda a makumi obile, eco cakatola Nowa, mwaakwe, kuyaka bwaato, eyo ya kalanganisigwa ku nzyalani mu buzuba obo. Myaka ili mwaanda a makumi obile cakali ciindi ca muntu cakabikkidwe. Elyo wa kakambauka, kweendelana . . . Matalikilo 6:3, wa kakambauka ku nzyalani eyo, yakali myaka ili mwaanda a makumi obile; Nowa wakacita. Yaa. Atu bone lino.

424. Muli Malaki 4, Eliya oyu utola myoyo ya matata ku bana, elyo mpawo myoyo ya bana ku matata. Sa muntu oyu ngumwi?

¹⁵⁷ Iyi, muntu ngumwi. Yaa. Oh, amulindile aniini. Peepe! Amu ndijatile, Nda lubila. Buyo . . . Mwabona mpawo Muuya Uusalala wandi kwabila ceeco mpawo? Peepe! Ndali kuyeeya kuti waamba i . . . Mwabona?

¹⁵⁸ Eco mbo cakabede muli Malaki 3, okuya, “Nda tuma mutumwa Wangu kumbele lya busyu Bwangu,” oyo wakali Eliya. Muli Malaki 4 ilacinca a kuti, “Amubone Nda tuma Eliya.” Malaki 3, Wa keelede kutola mutumwa wakatumba kumbele lya busyu bwa Mwami Jesu, oyo wakali Johane. Mbangaye bamvwisya eco? Malaki 4, cindi Eliya oyu aboola, kwamana biyo Mulumbe wakwe a zintu, alimwi kwamana, Nkuboola kwa Mwami a kulengulula kwa nyika.

¹⁵⁹ Elyo nywebo amubone, kucibamba kuba masimpe lino kuti tacili i . . . Obo Muuya Uusalala mbowa kacilemba kwiinda ku musinsimi oyu, Wa kati, “Uyo sandula myoyo ya matata, lutaanzi, ku bana.” Mwabona? Oko kwakali kuboola kutaanzi kwa Johane. Wa kasandula myoyo ya matata, bamatata, basikale bensiku, ku Mulumbe wa bana, eyo yakali nzyalani mpya mpawo, Jesu, mu nzyalani eyo. Mpawo *alimwi*, kuswaanganya, kacaanga antoomwe “myoyo ya bana kujokela kuli bamatata,” eco caamba kuti, Mulumbe wa buzuba obuno uyo sandula myoyo ya bana mu bukkalo bwa mbungano kujokela ku lusyomo lutaanzi lwa Pentekoste ilwa kumatalikilo.

¹⁶⁰ Aboobo bayooba bobile baandeene...I mutumwa omwe, pele cilaandaanya awo i—i kuboala kutaanzi a kwabili, kwa Johane...na mutumwa, Eliya.

Mulumi wangu a mwana wangu musankwa muniini maningi taba syomi...

Inzya, Nda luubwezedede oyo. Ndi lizi Nda cita, nkaambo Ndi lizi bantu babikka mazina abo asainidwe awo. Ndila yeeya kukanana kuli mbabo kumamanino kwa nguwo.

425. Mbobuti mbo tu konzya kujana luyando lwa Mwami? Muunzi wesu—wesu ku...Sena tulonzye munzi wesu kuya ku Jeffersonville, Indiana? Sa muntu ulakonzya kuba Munakristo mpawo katayandi bantu basiya? Sena Leza tayandi kuti kabalanganisigwa mbuli ndiswe, nkaambo balasiya mu mubala? Sa inga wa...? Ino inga wakulwaizya nzi muli ceeci? Sena ulasyoma mu kusangana na lusalululo?

¹⁶¹ Ndi syoma mu kusangana. Ndi syoma kuti muntu... Kunyina makani a mubala wakwe mboubede na nguni mbwabede, walo muntu mboonya mbuli Mbwe bedede. Obo mbombubo. Elyo Ndi syoma, ikuti na babaleka buyo abo bantu basiya balikke, abalo bana kkomunizimu tiiba kaunka okuya a kubaongelezya...

¹⁶² Lino, bakali kuyanda...Lino, bantu beni ncobeni basiya, kuli cikama cini cabaabo bakazyalululwa lubo, basalali baleza mu bantu abo. Iiyi, nconzyo. Nkaambo buyo kakuti cikanda cangu cilatuba acabo cilasiya, eco tacaambi cintu comwe kuli ndime. Walo mukwesu wangu ikuti na uli muli Kristo.

¹⁶³ Ako nkekaambo Nda impana a mulumbe wa ba Afrikaani; tibakali kusyoma akwalo kuti bantu abo baka jisi buntu. Eco nciakacita kuti bata ndiyandi okuya. Nda kati, “Muntu oyo muntu buyo mbubonya mbuli Mbwe bedede. Uli jisi nguzu ku coolwe ncoonya eco Nce jisi. Cikanda cakwe ta caambi lwiindano luli loonse kuli ndime, naanka muntu umbi oyo wakazyalululwa ku Muuya wa Leza.”

¹⁶⁴ Pele Nda kati, “Ikuti na noba kabaleka buyo bantu abo basiya balikke, nibata koongezegwa boobu.” Elyo Ndiyo caamba kuzwa ku cikambaukilo eci...Tu jisi bantu banji basiya abo baboola okuno. (Nse yeeyi kuti na kuli uliko sunumasiku.) Pele tu jisi bantu basiya banji okuno abo baboola ku mbungano eyi. Mukwesu, balitambwidwe mbuli muntu umwi uli onse mbwa bedede. Balo Mbakwesu a mucizi bangu.

¹⁶⁵ Elyo bamwi bantu babotu loko Mbe kaswaana mu buumi bwangu mbamwi babo bantu basiya. Mpawo kuli bamwi babo abo bazangi, mbubonya buyo mbuli bamakuwa, na bantu bayelo, na bantu basalaluka. Iiyi, nconzyo.

166 Lino, Nse syomi kusangana mu nkwati zya mibala yandeene. Ndi syoma kuti mukuwa taelede kukwata musimbi uusiya, na musimbi uusiya kukwatwa mukuwa, na wayelo kukwata uusiya, na mukuwa, na i. . . Ndi syoma kuti basalaluka, basiya, bakuwa, a misyobo ya bantu ili mbuli maluba mu mbewu ya Leza, elyo Nse syomi kuti beelede kuswaanganizigwa. Ndi syoma eyo nje nzila Leza mba kabalenga, alimwi Nda syoma eyo nje nzila njo beelede kukkala.

167 Ino. . . Cila ndeena kuti Nda bona umwi musimbi uusiya mubotu loko, mwana, ulibonya kabotu musongo, mubotu buyo mbuli mwanakazi uli oonse ngo ngawayanda kubona. . . Ncinzi nca yandika kukwatwa ku mukuwa a kuba a bana basangene kusiya a kutuba? Ino ncinzi musimbi uusiya musongo ncanga wayanda cintu mbuli cimwi eco? Nkaambo kakuti cintu cimwi. . . oyo muna kkomunisiti. . . Elyo mbobuti mbokunga i—i mubotu. . . i—i—i mwaalumi uusiya kuyanda kukwata mwanakazi mukuwa a kuba abana basangene kusiya a kutuba?

168 Nse syomi Nda. . . Nda syoma mweelede kukkala mbubonya mbo tu bede. Tuli—tuli balanda ba Kristo. Elyo Leza waka ndipanga. . . Ikuti na Wa kandipanga, mubala wangu uusiya, inga Nda kkomana kuba muntu uusiya wa Leza. Ikuti na Wa kandipanga muntu wayelo, inga Nda kkomana kuba muntu wayelo wa Kristo. Ikuti na Wa kandipanga kuba mukuwa, ni Nda. . . ? . . . kkomana mukuwa wa Kristo. Ikuti na Wa kandipanga kuba usalaluka, na usubila, muna India, kufumbwa mboubede, Inga ndakkala a mubala wangu nguwenya. Oyo inga waba ndime. Ndi yanda kuba mbuli Cilenga wangu mbwa kandipanga.

169 Kumusanza okuya buzuba obuya mu Shreveport cindi kupapila oko nikwa kaboola, elyo abo. . . elyo kwakali boonse babo bantu basiya bakubusyi bakoongelezegwa okuya, buna kkomunisiti. . .

170 Nda kamwaambila okuno ku cikambaukilo eci, Martin Luther King ni nkoloto mpati kwiinda eyo bantu basiya njo basola kuba ayo. Ncobeni. Oyo muntu wakali kuyo sololela bali zyuulu babo kukujaigwa (mbo mbubo), kooongelezegwa aa kkomunizimu.

171 Andi simpikizye kaambo kangu. Nda kacaamba kutandila myaka yobile yainda. Amubone eco cicitika ndyoonya lino. Ba kati bakali kulwanina kusangana, elyo cindi mulao niwa kabapa kusangana. . . Elyo kuli ndinywe no bantu abo batasyomi mu kusangana, amuuse nsoni nobeni. Cisi cesu cilazumizya kusangana, nkokuti tweelede ku cita ceeco mweendelezi mupati ncaamba kucita. Obo mbombubo ncobeni.

Elyo lino, mwaamba kuti. . . Kutaboola mu masena, a zimwi zimbi mbuli zeezyo, na kuula zintu mu zintoolo, na kukkala

kusule lya bbaasi, a zimwi zimbi, peepe, munene! I mulao waamba kuti bali kozyenye biyo mbuli ndiswe, aboobo tuli kozyenye mbuli mbo babede; aboobo atuli lemeke mbuli nzila eyo. Atube mbuli nzila eyo. Nkabela obo mbombubo ncobeni bantu boonse bakazyalululwa bwini mbo basyoma. Elyo lino, Nda syoma eco cili mu moyo wabo.

¹⁷² Nse najisi kulimvwa kuli boobu ku bantu mbuli Mbwe jisi ku bantu batakweankobaya mu Africa, nzila mbobakali kulanganisigwa. Elyo Nse syomi mu zintu ezyo. Ndili munamusanza; Nda kazyalilwa kutala lya mulonga kulaale, pele Ndili mbuli Abraham Lincoln; Nda boola okuno, nkaambo Ndi syoma kuti bantu bakazyalwa bweelene. Mbo mbubo. Alimwi Nse syomi mu kupambula bantu a zintu mbuli boobo, cindi balo bantu. . . kabbizigwa a Muuya Uusalala a zimwi zimbi.

¹⁷³ Pele amubone, tabali baabo bantu basiya Banakristo beni ncobeni bakazyalululwa abo baletelezya mapenzi aya oonse. Mu yanda kubapa mulandu kuli ceeco, ino mbobuti kujatikizya bamwi bana besu bakuwa bazangi? Mwabona? Lino, eco umwi ncazumizigwa kucita aumbi weelede kuzumizigwa kuli nciconya bweelene. Ee, bana besu bakuwa balaleta mapenzi manji ziindi zybilo mbuli ngo ba jisi. Obo mbombubo ncobeni. Ino cilaali? Mu makkoleji esu a zintu mbuli zeezyo. Bamwi bantu besu bayiide loko mbo baletelezya zintu ezyo. Mwabona?

¹⁷⁴ Ee, ino ncinzi? Lino, kumutondezya kuti ngu kkomunizimu alimwi kutali baabo bantu basiya, obo mbombubo kkomunizimu lyoonse mboya kaboola kutola bweendelezi. Bala cita obo mu cisi coonse. Eyo nje nzila mbo bacicita, kumu citya kuti kamulwana umwi aumwi, lucinco lupati muziimo, mpawo balanjala kakunyina kudubula ntobolo. Ta bayandi kujaya cisi eci; bala ciyanda. Bala kazyakubikka ndulwe muli ncico. Elyo lino, babona kaambo kakucitila ceeco, a kuziba obo lucinco lupati muziimo lwakaindi mbo lwakabede, alimwi bakayeeya kuti inga nobatalika lucinco lumbi lupati muziimo kumbi.

¹⁷⁵ Kusimpikizya kaambo kangu aantangalala, nibakamana kuba a kusangana (bali ku jisi lino, cakuzumizigwa, camulao), bali mukuleta mapenzi manji lino kwiinda mbo bakacita mu busena butaanzi. Mwabona? Cila tondezya lino kuti ngu kkomunizimu a kutali boobo bantu bayandisi abo bwakazyalululwa aa Muuya wa Leza.

426. Sena tucinooli mu kuyandisya a kukambauka Makani mabotu, na sa ciindi camana?

¹⁷⁶ Peepe, zumanana kukambauka canguzu mbuli mbo konzya kukambauka. Mukwesu, kkala a ngawo; Ndila kwiiminina ncobeni.

427. Mukwesu Branham, cindi no kasinsima kujatikizya: kutalya maji, kuta kkala mu kkuti, sa eco cisinsime cakali cako buyo na nca mbungano? Yaa.

177 Myaka yainda, kutandila myaka ili makumi otatwe yainda, Nda kapa cisinsime kuti ciyo citika ku mazuba amamanino kuti kuyooba malwazi akati ka banyama, akati ka ng’ombe, a maji, akwalo ku maji akwalo. Elyo ciyo citika, kuti kuyooba maji ayo atanoeleli kuligwa. Akwalo, ciyo citika kuti bantu bakkala mu makkuti. . . Lino amuyeeye, Nda kasinsima mu nzila eyo kaindi myaka ili makumi otatwe yainda, kuti ciyo citika, kuteeti bantu bakkala mukkuti, kuti Ndiyo lomba Banakristo kuzwa mu kkuti, a kuti tabeelede kulya. . . Nyama zyandeene a zintu mbuli zeezyo, ziyoooba zikola. Inga ziyo letela ntenda (Nda syoma nzila Mbwe kacibamba) ku bantu ku kkala mu makkuti.

178 Lino, oko kwakali kakutana kuba lusuko lwantenda luzwa kukubbotoka kwa mabbomba aanukkiliya na kuziba cintu cili coonse kujatikizya lusuko lwantenda luzwa kukubbotoka kwa mabbomba aanukkiliya. Pele oyo wakali Muuya Uusalala wakali kundicenjezya. Elyo ndyonya lino, akwalo ku ng’ombe zyesu (mula zibona kazitako mu misika) muku sansailwa aa DDT wayaka cintucimwi mu ing’ombe.

179 Amubone alimwi, zintu ezi zyoonse zya kutintanya a zimwi nzo balimuku cita zibamba mukowa wa bantunsi kunyonyooka cakumaninina. “Mapeseenti ali makumi otatwe,” mapeseenti ali makumi obile na otatwe, *Digest ya Reader* ya kati, “kwa bamalwazi bali mu zibbadela bala bikkwa omuya nkaambo ka madokotela.” Bayo mupa musamu kugusya ceeci kuzwa muli ndinywe, elyo ciyaka cintucimwi cimbi awa.

180 Elyo sena mwaka bona maji? Mwaka wainda twaambo tuli mwaanda mu Louisville a Jeffersonville baka ciswa elyo bakabikkwa mu cibbadela kukuluka nkaambo kakulya maji kuteeti nkuku zya mu kkuti okuno. . . I maji kuzwa mu kkuti kuyoya lusuko lwantenda luzwa kukubbotoka kwa mabbomba aanukkiliya. A nsaku iikola, azimwi zimbi, zintuzyonse zisofweede misamu.

181 Pele mpaawa awo mpo cijana, mukwesu wangu. Nda syoma a moyo wangu oonse kuti cili lemedwe mu Lugwalo kuti—kuti taakwe cakulya ceelede kutambulwa kakunyina kucitambula a kupakulumba, nkaambo cisalazigwa kwiinda ku Ijwi Iya Leza a mupailo. Mwabona? Ikuti na wacilya, amba, “Mwami Jesu, Wa ndi bambila cakulya. Lino, ku lusyomo Nda salazya cakulya eci ku nguzu zya mibili yesu.” Mpawo kocilya, nkaambo muli zyoonse nzo tucita nkwiinda ku lusyomo.

Oyandwa Mukwesu Branham, twaambo tululeme twa kulekana a mulumi cakolwa na?

182 Ta—Ta ndiyandi kukanana kujatikizya kulekana oko. Eco—eco. . . Kula, Ndi—Ndi—Ndiyo kanana kujatikizya ceeco ciindi ciniini cainda.

428. Mukwesu Branham, Mukwesu (Kwakaindi buyo kaniini. Oyu ujakizya kuli umwi wa bakutausi okuno. Andu

ubale lutaanzi. [Mukwesu Branham wapumuzya a kubala mubuzyo kuli lwakwe—Mul.] Humu! Kwakaindi buyo kaniini. Ee, Nda mwaambila. Ndiyo ubala nekuba.)—**Mukwesu Branham, Mukwesu Neville wa kandaambila kwiinda mu cisinsime kuti MBUBOBU MBWAAMBA I MWAMI kuti Ndiyo tambula Muuya Uusalala. Kandaambila eci a kaanzambwene kuti Ndiyo tambula Muuya Uusalala, Nsena kuutambula Muuya Uusalala. Sena Ndi zamanane . . . ?**

183 Iiyi, nconzyo! Kocita obo. Kozumanana kusyoma.

Bona, Nda ita . . . kaliimvwi kuli ya Mukwesu Wood jilo cindi kwitwa kwa fooni nikwa kasika kuzwa ku muntu ulya ukkede mu whiluceya, wakaboola okuno a mukuli wa mukwesu na muntuumwi oyo wakali—oyo wakali mukolwi alimwi wakainda muli Basikukulwaizya kuleka kunywa makoko batabbululi a kuyaswa musamu wanyeleti, mu cibbadela, a zimwi zimbi; elyo Mukwesu Neville, kaambaula mu myaambo na nzila imwi wakapa i—i cinsinsime ku muntu oyu, a kupa cisinsime kuti cintucimwi ciyo citika ku muntu oyo ku bubotu mukati ka mazuba masyoonto atobela, na cintucimwi mbuli ceeco. Elyo mwaalumi wakatumina a kwaamba kuti muntu oyu, mazuba ali makumi ali cisambomwe a alusele lino, wakazwa mu cibbadela, tana nywede nokuba cakunywa comwe, na wakanywa musamu umwi kumukasya kunywa, na kufumbwa cintu. Elyo cintu eco Mukwesu Neville nca kaamba mu cisinsime caka citika. Alumbaizigwe Mwami! Tula syoma mukwesu kuba muntu wa Leza.

Oyandwa Mukwesu Branham, sena abo . . . ?

184 Lino amulindile, andi ime awo kwakaindi buyo kaniini. Lino, eco Nce sola kwaambila bantu. Mukwesu Neville usyoma Mulumbe nguwenya oyo Ngwe syoma. Mukwesu Capps, Mukwesu Beeler, Mukwesu Ruddell, boonse aba bakwesu beengelede okuno basyoma Mulumbe nguwenya oyo Ngwe syoma; bala Uka mbauka, mbubonya mbuli Mbwe cita.

185 Elyo ikuti na muyanda ku, muyanda ncobeni ku, ku longa, elyo muyo leka kubeleka na cintucimwi na cimbi, a kuyanda kuboola nkambo ka Ijwi, kuboola kuno. Amuboole ku cikombelo, nkonkuko nko muyo Umvwi.

186 Aba mbantu banaleza. Balo bantu abo bajisi Muuya Uusalala nguwenya oyo Ngwe jisi a—a ngo mujisi, kuyiisya kuzwa mu Bbaibbele ndilyonya a Mulumbe nguwenya.

Oyandwa Mukwesu Branham, sena abo bayo ambaula mu myaambo mbaabo basyaalizi . . . ?

Inzya, Nda luubwezede oyo. Uh, huh, Nda luubwezede oyo, ku kwaambaula mu myaambo.

Mukwesu Branham, nkambauko yako aa lubbizyo lwa Muuya Uusalala, sa lubbizyo mu Zina Iya Jesu . . . ?

Inzya, Nda luubwezede oyo. Atu bone.

429. Mukwesu Branham, Bbaibbele litwaambila kuti i—i mukaintu weede kulemeka mulumi wakwe. Ndili Munakristo nkabela mulumi wangu ngu sizibi. Ula ndipenzya mu nzila yoonse eyo nja konzya, a kuti nketainki ku mbungano, a kubala Bbaibbele lyangu, alimwi—alimwi ulakaka Ijwi. Ino Nde elede kucita nzi?

¹⁸⁷ Ino ncinzi ncoelede kucita? Lino, swiilila, weede kulemeka mulumi wako; eelyo ndi Ijwi. Lino, ikuti na ula kwaambila a kukukasya kubala Bbaibbele, kuunka ku mbungano, na cintucimwi mbuli ceeco, to elede kuswiilila eco, nkaambo, “Oyo uyo—uta kasiyi bamwi, banyina, mulumi, mukaintu, na kufumbwa mbocibede a ku Ndi tobela, ta elede Kwangu.” Sena mbombubo?

¹⁸⁸ Peepe, uta . . . I baalumi beelede . . . toli . . . I mwaalumi taelede kubelesya nguzu ezyo ku mwanakazi nkaambo kakuti mweendelezi wakwe. Leza ngo mweendelezi wakwe atala lyako, mukwesu. Wabona? Elyo ikuti na mukaintu wako ucita cintucimwi cilubide, mpawo uta . . . mpawo ulijisi nguzu zya kumwaambila, alimwi weede ku kuswiilila. Pele tojisi nguzu zya kumuuma, na kumutonkaika koonse, na—na kucita zintu ezyo. Peepe! Waa . . .

¹⁸⁹ Leza wa kapangila bamaalumi mugwasyi, kutali sikupenzegwa utatongauki. Koyeeya, ngu . . . Waa kali kalungu kako kakumoyo; weede kuba boobo lyoonse.

430. Ndelili alimwi nkokuli oko bantu ba Leza nko bayo bunganina Ijwi lyamamanino?

¹⁹⁰ Muli Kristo. Iiyi! Ku buzuba bwa mamanino, bayo bunganina muli Kristo. Muta lubi eco lino. Tu jisi busena bwa ku bunganina; tuli bujisi ncobeni buya.

431. Twi itwa . . . (Lino, ngooyu mubuzyo oyo wa buzuba bumwi.) Twi itwa kuti bayuni batasalali, nkaambo kakuti twiinka ku mbungano ya Junior Jackson. Ziindizimwi nkaambo kakuti tuli antoomwe i—i . . . Ta zuminani ku milao mipya ya mbungano okuno ku mbungano. Sena tuli zwide ku luyando lwa Leza lulondokede kunjila kokuya ziindizimwi?

¹⁹¹ Peepe, munene! Ndi syoma Junior Jackson kuba muntu wa Leza. Nda kaupandulula kale. Nda syoma . . .

¹⁹² Lino, ta tuzumini aa ncililanwa ya mbungano. Lino, Ndi syoma kuti ya Junior—Junior . . . Kaambo nca . . . Mbangaye bamuzi Junior Jackson? Baa, tulizi kuti muntu ulya muntu munaleza. Ula syoma Mulumbe oyu mbubonya buyo Mbwe cita, alimwi ula syoma zintu ezi. Kwaambakwini, Junior a Mbebo

tuli balongwenyina bamunsi ncobeni, mbubonya buyo mbuli bamwi babaaba bamaalumi okuno, J. T., a—a Mukwesu Ruddell, a Mukwesu Jackson, a Mukwesu Beeler, a boonse aba bakwesu okuno; toonse swebo, tula antoomwe. Lino, ta tu...inga tii twa konzya kubona bweende bwini (mwabona?), pele tusyoma Mulumbe oyu omwe (mwabona?), alimwi tula jatana antoomwe. Kuli Mukwesu Humes okuya awalo, missionari, alimwi oh, bamwi banji loko baidene indene, Ta...Ziindizimwi Nda kakilwa akwalo kubaita mazina abo, pele yebo—yebo ulizi Nda amba nduwe kwalo, mukwesu. Masimpe.

Inga wayanda kuleka ku cita bunarsi. . .

¹⁹³ Nda kabuzya oyo. Mula yeeya? Walo mucizi mubotu uyandika oyo wakali kuyanda kuziba kujatikizya bunarsi.

Cindi Ne kacili muniini, Nda kali. . .kaambila bantubonse kuti Nda kali kuyanda kuba mukambausi. (Nda luubwezede oyo. Nda luubwezede oyo awalo.) Mpawo ino ncinzi nca elede ku cita kujatikizya buzuba buno?

¹⁹⁴ Ee, olu ndugwalo kuzwa ku—ku mubelesi mukutausi wa Kristo, olo taluli. . .Lwalo ndugwalo buyo lwa mugame kuli ndime. Lwazwa ku Mukwesu Pat Tyler, umwi wa bakwesu okuno ku mbungano.

Eyo nje njiyo yayo. Lumba Mwami. Ndili lumbide kuli ndinywe no bantu. Nda bweza buyo i. . .[Kabeela katakwecintu aa teepu—Mul.]

. . .mbamwi,

Kuumbulizigwa kwesu a kubula kwesu.

¹⁹⁵ Ndalibuzya ikuti na Mucizi Wilson nkwacili mu buyake? Ndali mubwene awa. Sena ulizi eco Nce likucita kaindi kainda, Mucizi Wilson? Ndali kulanga zifoto cindi nitwali kubikka bbwe lyaciswi. Nda langa aa cifoto a kubona Hope a Ndime cindi katutana kwatana. Nse kazi akwalo kuteeti. . . Nda yeeya kubona cifoto eco cindi ni Nda kazwa kuli imwi ya nkondo zyangu, cindi Ne kawina muzundano wakuba simusobano wiinda. Kalanga cifoto cangu busiku bumwi cindi Ne kali sikulangalanga zyamusokwe iwa cisi okuno mu Indiana. Elyo Ndi yeeya zya mbungano. Nywebo mulizi, Nda yeeyela takukwe pele buyo muntu umwi okuno sunumasiku kuzwa mu nkamu ilya oyo usyeede. Mbangaye baciliko kuzwa ciindi nitwa kabikka bbwe lyaciswi cabuyake kaindi okuya kumatalikilo? Tambika janza lyako.

¹⁹⁶ Mukwesu wangu, Mucizi Wilson, Nda yanda kuti u—ku kubuzya zintuzimwi zybilo. Ulayeeya na obo toonse mbo twa katalika? Ulayeeya eciya cibuye cakaindi cindi nica kazwide ntimba? Kajisi mpulungwido zya kaindi ezyo zyakali kuzungaana. Twa kajisi maseenti ali makumi aalilusele a katalisya. I cilwi cipati ca bwizu, koonse oku kwakali zisamu mbuli kusule lyesu awa cindi nitwa kaciyaka, cikombelo.

197 Amulange boonse besu abo bakabamba zikonke zyabo a ku macing'a kuzunguluka cipaililo. Twa kababona ka baboola a kuunka, umwi kuzwa kuli umbi. Sena mwaka bona abo bakakkala a Mulumbe, obo mbu bakaunka? Lino, amuyeeye abo bakazwa ku Mulumbe, obo mbu bakaunka. Amu ciyeeye.

198 Mpaawa mpo tubede sunu masiku, kumane nkamu eyo yoonse ya ziindi zyotatwe kuli yeeyo njo tujisi lino ku miswaangano yesu yakuzulila loko. Amu ciyeeye, cindi mabbaasi a zikolo nakali kunga alipaking'idwe koonse kuzunguluka cisi okuno kuzwa kumasena oonse, atala aanso oonse a buwa eeli. Akwalo kusyankana mu matente ayakilidwe omuya kwi mamela, elyo nekuba tokali kunkonzya akwalo kukkazika bantu ali oonse, kubungana antoomwe. Nda kacili buyo mukambausi mulombe. Mwabona? Elyo kuzwa kuli baabo bali zyuulu mbo twa kajisi, kuli botatwe besu abo basyeede omuno sunumasiku.

199 Nda muyeeya Mucizi Wilson okuya cindi ni Nda kaitwa kumbali lya bulo bwakwe kafwa ku TB, kuzwa bulowa, kusikila milembo a nkomo yapilo mpakalede, akazwide malowa, mu kkona. Nda yeeya Muuya Uusalala kubulesya bulowa. I mazuba masyoonto nikwakamana Nda kamubbizya mu Mulonga wa Ohio mu maanzi alacaanda mu Zina lya Jesu Kristo, a ku mukkazika kusule lya mootokala wangu ujukide, rodista muniini wakaindi, elyo ndaka mweenzya kuzwaku Utica. . . Sa tee kwaka luleme obo? Kuzwa. . . [Mucizi Wilson ulakanana ku Mukwesu Branham—Mul.] Inzya! Mucizi Hope, mukaintu wangu, mucizi okuya, bakali ku cuuno cakumbele ca rodista muniini, elyo baama a Mucizi Snelling kusule. Nda kabweza cifoto cabo, Mucizi Snelling, Baama, a boonse, Muka. Weber, Muka. . . bamama zyala, boonse besu kunselelo okuya, a Meda, kali kasimbi kaniini buyo kakaimvwi anze awo, elyo lino, mwanakazi ulaamvwi ku mutwe. [I mucizi ulakanana ku Mukwesu Branham]

200 Nda yeeya cindi niba ka jisi buzuba bwa kanamatizyo kaniini ka buzuba bwa kubwezelela mali esu mataanzi. Elyo Nda yeeya Hope kaimvwi ku kkona. Waa kacili musimbi, utandila kkumi a cisambomwe; waa kali kusambala mbuli boobu, kali kutondezya kanamatizyo. Kabapa kanamatizyo. Wakali kukonzya kubikka mukati. . .

I cacolwa wakaselemuka mu mugwagwa; wa kati, “Mwati nzi, Bamuka!” Kati, “Ncinzi nco sambala?”

Kati, “Taakwe. Aboobo Nda kupa buyo kanamatizyo aka.” Kati, “Nka kusanga ku mbungano. Ikuti na uyanda kubikka cintu cimwi mukati omu ca kusanga, tu sola kujana mali manji a kuyasya cikombelo ca. . . mu dolopo.” Kati, “Ikuti na uyanda kubikka cintu cimwi, ula konzya, pele ikuti na. . .”

Kati, “Nse jisi nociba cintu.”

Kati, “Kotola buyo kanamatizyo nekubaboobo.” Wa kabweza a kukalanga. Ku lubazu lumwi kati—kati—kati, “Nkokuli nkoyo kkalila Butamani?” Alimwi ku lubazu lutobela kakajisi mubuzyo. “Nkokuli nkoyo kkalila Butamani?” I mubuzyo.

Wa kadadalikila musule, kalanga ali nkako; wa kati, “Bamuka, ubuzya mubuzyo usinizizye!”

Waa kati, “Pele weelede kubambwa!” Mbo mbubo. Walo uli kunze lya cisitilizyo sunumasiku. Nda yeeya majwi aamamanino nga kaamba. Nda yeeya eco Nce kamwaambila; Nda ciyeeya. Iyi, munene!

²⁰¹ Maanzi manji akali kuselemukila ku mulonga. Twa kali kunga twaima kuselelo. . . Elyo katutana akwalo kuba a mbungano, twakali kunga twaima a kujatana maanza a kwiimba lwiimbo olu okuno. Nda konzya kulumvwa ncobeni. Myrtle wakali buyo mwana muniini maningi. Nda katola cifoto ca Leroy kaimvwi awo, kana buyo kaniini maningi.

Kalilelekedwe kaanzyo ako katuswaanganya
Myoyo yesu mu luyandisyo lwa Bunakristo;
Luswaanano lwa mizeezo iikozyenye
Mbuli olo lwa kujulu.

²⁰² Cindi twaimba kuti kuli banji babo balindila ku boola Kwakwe.

. . . twa andaana,
Kutupa kucisa kwa mukati; (Sena mula
yandana mbuli boobo?)
Pele tu cino swaangene mu moyo,
A kulangila kuyo swaangana alubo.

²⁰³ Mukwesu Fleeman, uli muni kuya kokuya, sena toli muni? Nda likuyeeya buyo, Nda kakuziba cindi nitwakainkide kuli ya Mukwesu Roy. Sena mula yeeya ma Adcocks? Nda kabweza Kenneth. Ino mucizi wakwe wakalini zina? [Mukwesu Fleeman waambaula ku Mukwesu Branham—Mul.] Nda kabweza cifoto cabo; toonse twa kaliinwi okuya a maboko esu kagwambatene kuli umwi aumwi, kuzunguluka kumbele lya busena, Mwii. Roy E. Davis, mweembeli. Ndali kubalanga kaindi kaniini kainda. Mwiiyi wakaleta zifoto okuya. Cabaanga candibamba kulimvwa bweenzu ncobeni kuselelo kuno. Lino kuti . . . bunji bwabo ba kaunka (mwabona?)—ba kaunka. Taku kotola ciindi cilamfu kusikila aswebo tuyo unka. Mwabona? Pele. . .

Pele cindi twa andana,
Kutupa kucisa kwa mukati;
Pele tu cino swaangene mu moyo,
A kulangila kuyo swaangana alubo.

²⁰⁴ Sena mula muyeeya Mukwesu Bosworth? Kakutanaba buyo kukosola kwakwe, wa kanyamuka mu kaanda, keenda aa cibuye,

a kusukana maanza a bawisi, a banyina, a basanduki bakwe kuli Kristo. Myaka ili makumi one, balifwide kwa myaka ili makumi one na makumi osanwe. Wa kaba bona kabaimvwi omuya mu kaanda, kusola kucitya bantubonse kuti babone. Ino cakali cinzi? I mudaala wakali kunjila mu cisi oko Nkwe kabede mu cilengaano cifumo eco. Mbo mbubo.

²⁰⁵ Nda kaba bona okuya; bakali bakubusyi alubo. Tu ciswaangene mu moyo; tu langila kuyo swaangana alubo. Mbo mbubo. Leza amu longezye.

²⁰⁶ Nda citika kucebuka mu buyake, ku kanana kujatikizya beenzuma basiya, alimwi Ndi bwene Mukwesu a Mucizi Nash kabakkede kusule okuya. Tii ndazi kuti mwakaliko. Kwazo citika buyo kucebuka; bali kusule maningi. Elyo mukwesu oyu umwi ukkede awa . . . Sena oyo ngo mukwesu undipa koongolola kupati musule oko ziindi zimwi, oyo ukkede awa? Nse konzyi kuli yeeya zina lyakwe. Mukwesu Wood waamba kuti wali kukanana kuli nguwe. Wa kati, “Yebo ulizi? Cindi Muuya wanduuma, Ndi ba a koongolola ‘Heyi!’” Kati, “Nda syoma Nse nyonganya cintu.” Cindi wata ongolola kuteeti “Heyi!” kula ndinyonganya. Leza aku longezye. Nda kuyanda mukwesu, mucizi. Mbo mbubo.

²⁰⁷ Mukwesu Nash, Mucizi Nash, nywebo mulizi Nda muyanda. Iyi, munene! Uli mukwesu a mucizi wangu muli Kristo Jesu.

²⁰⁸ Beenzuma babotu bayandwa, a umwi uli oonse, ikuti na Nda baimpya bamwi babo, milyango yalo ili julidwe okuno kuli ndinywe. Milyango yaku Julu iyojulwa ayalo.

Pele tu cino swaangene mu moyo,
A kulangila kuyo swaangana alubo.

Ma . . . *Lusyomo Lwangu Lulanga Kutala kuli Nduwe*, lino, mbuli mbo twiimba. Atwi imbe ciindi comwe buyo lino. Nciindi cakuya ku muunzi lino.

Lusyomo lwangu lulanga kutala kuli Nduwe,
Yebo Kabelele waku Kalivari,
Oh, Mufutuli sibuleza!
Lino kondimvwa cindi Ne komba,
Gwisya zibi zyangu zyoonse,
O, kondi lekela kuba Wako kumaninina kuzwa
buzuba bunu!

Atu sole eyo ya *Uusalala, Uusalala* alubo, sena muyo cita? Tupe bulile, Mucizi. “Oh . . .” Yebo uli luzi? Ula yeeya cindi Mucizi Gertie abaabo nibakali ku lwiimba?

²⁰⁹ Buzuba buya kufwa kumbo, Julu lya leleka nyika; nyika yalelekwa. Obo Mbwe yanda kubbila kwa zuba ku mangolezya, kalibbila, bayuni kupanga kwiita kwabo kwamamanino. Eco ceelede kusika kuli oonse wesu mpawo. Nda ciyeeya eco ciindi caku mangolezya . . . Sena mwakasola kubona? I muuwo uyo leka

kuunga; bayuni bayo umuna. Mwabona? Ni nyika ili mukufwa, buzuba buli mukufwa kutegwa buzyalululwe juunza cifumo. Yaa, atwii sole lino ikuti na tula konzya.

Uusalala, Uusalala, Uusalala, Mwami Leza
Singuzu loko.

Lee, boola kutala okuno kwakaindi kaniini. Nda—Nda—Nda syoma kuti Nse—Nse yeeyi kuti Ndi luzi mu tyuuni eyo. Andi lusole kakunyina zyakulizya. Mwabona? Atu bone ikuti na tula konzya kulujana. Lino, Ndi zyi . . . Antela nda lulubizya. Mwabona? Amu ndigwasye lino, oonse wanu, lino.

Uusalala, Uusalala, Uusalala, Mwami Leza
loko—makamu!
Julu a nyika zizwide Nduwe;
Julu a nyika zilumbaizya Nduwe,
Oh, Mwami ulemekwa loko! (Mula luyanda
olo? Sena talu citi cintucimwi kuli ndinywe?
Atu lusole alubo!)

Uusalala, Uusalala, Uusalala, Mwami Leza
ulemekwa loko!
Julu a nyika zizwide Nduwe;
Julu a nyika zilumbaizya Nduwe;
Oh, Mwami ulemekwa loko!

²¹⁰ Nda luyanda olo, tamuciti na? Oh, Nda ziyanda ncobeni ezyo nyimbo zibotu zyakaindi. Kuli cintucimwi kujatikizya nyimbo ezyo Nze yanda. Mula konzya kuba a nyimbo zyanu zyoonse zyakangululwa nzomu yanda. Amu ndipe olo; Nda luyanda olo. *Kwiinda Cisitilizyo Cipambukanya*, zyoonse ezi nyimbo zimwi zibotu mbuli ezyo; Nda ziyanda nyimbo ezyo. Ndi yeeya kuti kwiimba ncibeela ca kukomba (iyyi, munene!), kwiimba kulumbaizya ku Mwami.

²¹¹ Yaa, ya kumwaikila yesu, lino, nyimbo, ngu *Kotolelela Zina Lya Jesu*. Akube kuti Mwami amu longezye lino mbuli mbo twiima.

Kotolelela Zina lya Jesu,
Mwana wa buusu a mapenzi;
Liyo kutangazya aku kuumbulizya,
Oh, koli tolelela koonse nkoya.

Zina liyandisi, O mbolili bbotu!
Bulangizi bwa nyika a lutangalo lwaku Julu;
Zina liyandisi, O mbolili bbotu!
Bulangizi bwa nyika a lutangalo lwaku Julu.

Lino nkaaka kampango Nke yanda, alimwi nkucenjezegwa kuli oonse wanu. Kucita nzi?

Kotolelela Zina Iya Jesu,
 Mbuli cikwabilizyo ku tooze toonse;
 (Amuswiilile!)
 Cindi masunko akubungilila, (Ino ncinzi
 ncoelede kucita?)
 Koamba biyo Zina eelyo lisalala mu mupailo.
 Zina liyandisi, O mbolili bbotu!
 Bulangizi bwa nyika a lutangalo lwaku Julu;
 Zina liyandisi, O mbolili bbotu!
 Bulangizi bwa nyika a lutangalo lwaku Julu.

Atu kotamike mitwe yesu lino.

Mane tuka swaangane, mane tuka swaangane,
 Mane tuka swaangane ku matende aa Jesu;
 (Kusikila tuka swaangane.)
 Mane tuka swaangane, . . .

[Muntuumwi wati, “Sena inga wandiyeyya mu
 mupailo?”—Mul.] Mwami Jesu, leleka mukwesu wangu
 uyandika, a kumuponya lino mu Zina Iya Jesu. Ko cipa,
 Mwami.



MIBUZYO A BWIINGUZI TNG64-0830E

(Questions And Answers)

KULILEMEKA, MALAILILE A NJIISO MATOBELANWA AA MBUNGAO

Oyu Mulumbe aa Mukwesu William Marrion Branham wakakambaukwa lutaanzi mu Chikuwa mu Nsondo mangolezya, Ivwivwi 30, 1964, ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org